

BIBLIOTEKA


Zakl. Nar. im. Ossolińskich


XVII

1.057

rich
nid

o
Seidatz;





REFUTATIO
THESIUM,

*De Sacrosancta unitate Divinae essentiae, &
in eadem Sacrosancta personarum Trinitate,*

a IACOBO SCHOPPERO SS. Theologiae Doctore
& Professore primario

Altorsii anno 1613. propositarum.

*Cui addita est responsio ad ea, quae HERMANNUS RAVEN-
SPERGERUS S. Th. Doctor, in Gymnasio Steinsfurtensi pra-
ter haec attulit, in scripto, cui titulum fecit: SS. Mysterium unita-
tis essentiae divinae in personarum Trinitate, duabus sectio-
nibus per Theses & exegesies explicatum, &c.*

scripta

VALENTINO SMALCIO.
Cœtus Racoviensis Ministro.



15.840

RACOVIAE,
Typis Sternacianis,

Anno 1614.

*Ex libris Jacobi Siemienicki
Palatini Podol. in Racovia*



REFUTATIO THESIUM De S. Trinitate D. IACOBI SCHOPPERI.

THESIS de S. Trinitate, crassâ, ut ajunt, Minervâ, D. Schopperus nuper edidit. Has refutandas eo sine sumsi, ut, qui alia nostrorum proluxa ea de re scripta, hætenus non viderunt, habeant, unde iudicium de hoc Trinitatis dogmate ferre possint. Primum igitur definitionem nobis Thesi 2. DE I assert, ex locis communibus D. Philippi. Sed lapsus hic in ipso disputationis limine nimis gravis est. Nam in rebus divinis auctoritate tantum divina standum esse hætenus vos Evangelici, constanter nobiscum contenditis: Philippus autem Melancthon, quantumvis vir magnus fuerit, non est ex numero illorum, nec ipsemet esse voluit, quorum auctoritas nobis pro regula fidei censenda sit, præsertim quod non pauca, quæ in hoc verboso commentariolo potius quam definitione continentur, mera sint petitio principii. Ad convincendum autem adversarium ea afferenda sunt, quæ ipsemet vera esse diffiteri non possit.

Causa resurrectionis.

In rebus divinis si auctoritas divina valet.

Probat deinceps Schopp: a thesi 4. usque ad 16. tum testimoniis sacrarum literarum, tum rationibus, unitatem divinæ essentia. Quæ, quia a nobis etiam conceduntur, nunc omitto. Duo autem annotare libet. Vnum est, Quo jure infra thesi 46. reprehendat Arianos, quos multa argumenta ex ratione humana de sumsisse ait, cum ipsemet thesi 9, 10, & 11. tria argumenta ex ipsa etiam humana ratione de promta afferat? Num quod Schoppero licet, non licuit aliis? Alterum est, Quam aptè thesi 12. dicat: *Et sciendum est, Deum unum esse essentia, non tantum consensu*, cum hætenus de pluralitate personarum in divinitate nihil dixerit, sed de sola Dei essentia unitate agat; hæc autem, quæ de unitate concordia differit, non nisi respectu personarum, quas in divinitate statuit Schopperus, dici possint.

Schopperus sibi non constat.

Thesi 16. fatetur Schopp: vocem Trinitatis in sacris literis non extare, rem tamen ipsam satis claram esse. An res clara sit, quam voce Trinitatis Schopperus intelligit, postmodum videbimus. Nunc hoc dico: Siquidem vox Trinitatis in sacris literis non extat, quod nuper etiam D. Graverus in 1. thesi de Spiritu S. confessus est, non esse necessario ad salutem a quoquam exigendum, ut Trinitatem, qualem intelligit Schopp: nempe quod Pater Filius & Spiritus sanctus sint tres diversæ personæ, & rursus hæ personæ sint una essentia, credat. Quicquid enim ad salutem necessarium est simpliciter, id totum in literis sacris ad literam scriptum esse necesse est.

Necessaria ad salutem extant omnia in sacris literis.

Si quis est, qui Athanasium, Sathanasium appellat, quod queritur

thesi 17. id nobis omnibus fraudi esse non debet. Tales enim cavillationes & convitia prorsus indigna esse homine Christiano agnoscimus, & fugienda omnibus piis censemus.

Vocem Triadis usitatam fuisse ante Athanasium, etiamsi concedamus, nihil juvabit Schopperum. Nec enim ista significatione id factum esse docebit D. Schopperus, quâ ille vocem hanc nunc accipit: sed eo sensu vox ista usurpata fuit, ut Patrem, Filium & Spiritum sanctum, & doctrinam de illis tribus significaret. Nam sine institutione de his tribus, & confessione horum trium neminem Christianum esse posse, Christi verba, *Ite, facite discipulos omnes gentes, baptizantes eos in nomen Patris Filii & Spiritus sancti*, satis luculenter ostendunt.

Deinde Schopperus a thesi 19. usque ad 39. testimonia affert, quibus probare conatur mysterium suæ Trinitatis. Sed duplex error est in ista probatione Schopperi. Primum enim in plærisque nihil extat de Trinitate illa, ut sic loquar, h. e. de Patre, Filio, & Spiritu sancto. Deinde ea etiam, in quibus Trinitatis, hoc est, Patris, Filii, & Spiritus S. fit mentio, Trinitatē Schopperi nullo modo probant. Trinitatem illam, hoc est, quod sit Pater Filius & Spiritus sanctus, non probat primum locus Gen: 1., quem thesi 19. affert Schopperus, *In principio creavit Dii celum & terram*. Nam vox Dii non personarum sed Deorum multitudinem denotat. Quia verò multitudinem Deorum averfatur Schopperus, loquendi modum Hebraicum agnoscat necesse est, admodum familiarem isti linguæ, quo, loco numeri singularis, pluralis usurpatur, præsertim verò in iis vocibus, quæ imperium, dominationem, potentiam gubernationem vè aliquam declarant, ut patet etiam in nominibus Adon & Baal, quæ numero plurali tunc etiam efferruntur, quando de uno tantum homine sermo est, ut ab hominibus linguæ Hebraicæ peritissimis observatum est. Adde, quod etsi vox Dii personas significaret, non tamen constaret, an duæ vel tres vel quatuor intelligendæ essent. Non enim posito numero plurali, necessariò ponitur ternarius, ut posito ternario, ponitur pluralis. Sed tandem, audiamus testimonium viri inter Evangelicos magni, & minimè suspecti, Iohannis Calvini, quem etiam doctissimum interpretem quidam appellare non dubitant. Is sic scribit in hunc locum: *Nomen Elohim pluralis numeri habetur apud Moysen, unde colligere solent, hic in Deo notari tres personas. Sed quia parum solida mihi videtur tantæ rei probatio, ego in voce non insistam. Quin potiùs monendi sunt lectores, ut sibi a violentis ejusmodi glossis abstineant. Putant illi, se testimonium habere adversus Arianos ad probandam Filii & Spiritus S. divinitatem: interea se involvunt in errorem Sabellii, Quia postea subjicit Moyses, Elohim*

Convitia fugienda.

Quid sit Trinitas ex mente veterum.

Matth. 28. 19.

Errores Schopperi.

De loco 1. ex cap: 1. Genes.

Cur numero plurali Dii appellantur.

Pagnin. in thesaur. ling. sacræ.

Testimonium Calvini.

bim locutum esse, & Spiritum Elohim incubuisse aquis. Si tres personas notari placet, nulla erit earum distinctio. Sequetur enim & Filium a seipso genitum, & Spiritum non esse Patris sed suipsius. Hactenus Calvinus. De Spiritu porro, cujus Moyses meminit, non constat, an sit Spiritus ille sanctus, de quo nunc nobis sermo est. Non desunt enim, qui per vocem *Spiritus*, & *Spiritus Domini*, ventum & ventum magnum indicari censent, ut Psal: 146. *Flabit Spiritus ejus, & fluent aquæ*; & addunt: Cum Hebræi magnitudinem alicujus rei significare volunt, adjiciunt hoc nomen Deus, ut Psal: 67. *Mons Dei, mons pinguis*. Vnde etiam Paraphrastes Chaldaus loco ferebatur, habet flabat.

Alter locus, quando dicitur: *Fiat lux, Fiat firmamentum in medio aquarum*, minùs etiam ad rem propositam facit. Nam nec Trinitas hinc ulla personarum colligi potest, etiamsi tandem Filius Dei intelligatur per vocem *dicere*: nec ipsa verba talem sensum admittere ulla ratione possunt, ut per verbum *dicere*, filius Dei intelligatur. Nam his verbis, *Deus dixit*, non persona, per quam Deus creârit, sed modus, quo creavit, indicatur. Modus autem ille quis sit, jam pridem eruditi exposuere. *Dicere pro jubere*, utuntur Hebræi, ait Vatablus. Alii accipiunt *dicere* pro *velle* vel *decernere*, & ita vertunt, *Decrevit aut voluit Deus lucem fieri, & facta est*. Quod verò huc afferitur ex Psal: 33. ejusdem est valoris. Nam & ibi, *verbum Domini, & Spiritus oris ejus*, non personas a Deo distinctas significant, sed solum Dei decretum & pronuntiatum, ut idem Vatablus pereleganter super hunc locum scribit: *Verbum Dei*, ait, & *Spiritus oris ejus* pro eadem re dixit, q. d. *præcipiente Domino celi facti sunt, & eodem jubente omnis ornatus eorum*. Idem: *Figuratè spiritum oris* pro ipsa pronuntiatione sumit, ac si dictum esset: *Simul ac halitum vocis suæ emisit Deus, vel protulit verbo, quid vellet fieri, cælos repente extitisse, & quidem incredibili stellarum copia & varietate instructos*. Imò etiam addit: *Alibi scripturam docere æterno illo sermone mundum creatum esse*, ut scilicet hîc de eo non agi ostendat. Idem super v: ejusdem Psalmi 9. *Ipsè dixit, & facta sunt, ipse præcipit, & extiterunt*, hæc pauca etiam scribit, q. d., *omnia solo suo nutu creavit*. Quòd denique huc verba Ioh: 1. *omnia per ipsum* (sermonem) *facta sunt*, afferuntur, id magnæ in rebus divinis tractandis Schopperi negligentia, ut quàm levissimè dicam, indicium est. Nec enim ubique, quando de Verbo sermo est, de eodem verbo sermo est. In loco Genes: & Psal: de Dei decreto & præcepto sermonem esse jam docuimus: Iohannem verò de persona loqui, omnes confitemur. In Genes: & Psal: de verbo sermo est: Iohannes verò de Sermone loquitur. Differunt autem Verbum & Sermo, ut pars & totum.

Fr: Vatablus.

Spiritus de quo
Gen: 1. quid sit.De loco 2. ex
cap: 1. Gen.Quid sit *dicere*
Gen: 1.

De loco Psal: 33.

Quomodo differant loci Gen: 1.
& Ioh: 1.

tum. Vnde eruditissimi interpretes vocem Verbi, in Iohannis Evangelio planè repudiârunt, & Sermonis substituerunt. Adde, quòd, in Gen: & Psal: de creatione sermonem esse, nemo neget: At apud Iohannem de creatione sermonem esse, jure negari potest. Est enim in Græco vox *ῥήμα*, facta sunt. Fieri autem possunt alia etiam, quæ non creantur. qualia sunt ea omnia, quæ ad Evangelium tum annuncian- dum tum confirmandum pertinent, de quibusibi sermonem esse alibi a nostris disputatum est, & nuper etiam a me demonstratum, in responsione ad libellum M. Smigleci Iesuitæ, cui titulum fecit, *Verbum caro factum est*.

De loco 9. ex
cap: 1. Gen.

Cur plurali nu-
mero Deus lo-
quatur.

Tertius locus est thesi 20. *Faciamus hominem ad imaginem no-
stram*. Hinc verò primùm, si pluralis numerus vim suam obtinet usi-
tatam, tantùm pluralitas personarum, non verò earum Trinitas elici-
tur, ut antea monuimus. Deinde nec pluralitas inde elicitur, cum cer-
tum sit numerum pluralem pro singulari sæpissimè usurpari, tum a-
pud sacros tum apud prophanos autores, non solum in Hebraica, sed
etiam in Græca & Latina lingua. Denique si suus orationi divinæ or-
natus sartus manere debet, quæ scilicet se Deus ad aliquid faciendum
cohortans introducit, aliter Deus loqui non potuit. Nam si dixis-
set *Faciam*, in singulari numero, jam id futuri temporis fuisset, & de-
cretum loquentis simpliciter significasset, nullam verò sui ipsius ad id
faciendum cohortationem continuisset. Quæ suimet ipsius cohorta-
tio rectissimè per numerum pluralem exprimitur, per singularem
verò minitæ. Quod verò ait Schopp: thesi 21. *Deum illa civili glori-
ola non uti*, quia per hanc gloriolam, usurpationem numeri pluralis
pro singulari intelligit, mirum id videri debet. Nec enim civilis illa
gloriola est, sed elegans quid & decorum censendum est, ut qui impe-
rant & dominantur, de seipsis loquentes pluralem numerum pro sin-
gulari usurpent. ut 1. Reg: 12. 9. & 2. Par: 10. 9. ubi Roboamus Rex di-
cit juvenibus, qui secum educati fuerant, quique ei ministrabant:
Quid consulitis vos, ut respondeamus populo isti, &c. & 1. Reg: 22. 3. A-
chabus cum servis suis verba faciens ait: *Scitisné, quòd nostra sit Ra-
moth Gilead? Nos autem cessamus tollere illam de manu Regis Syria.*
Christus etiam ait: *Amen amen dico tibi, quia quod scimus loquimur, &
& quod vidimus testamur, & testimonium nostrum nemo accipit, &
tamen ipsum de se solo loqui, tum ipsa res aperte docet. nemo enim
erat, quem sibi socium ea in re, de qua cum Nicodemo loquebatur,
facere posset; tum sequentia verba declarant. inquit enim: Si terrena
dixi vobis & non creditis, quomodo si dixero celestia, credetis? Et nemo
ascendit in celum, nisi qui descendit de celo, &c.* & infra de eo ait Bapti-
sta,

Exempla similia.

Ioh. 1. 11.

¶ 12.

ita, *Qui de calo venit, super omnes est, & quod vidit & audivit, hoc testatur, & testimonium ejus nemo accipit.* Idem Christus Mar: 4. 30. *Cui assimilabimus, inquit, regnum Dei, aut cui parabole comparabimus illud?* Cùm tamen de se uno loquatur, ut patet ex Luc: cap: 13. 18. qui ita habet: *Cui simile est regnum Dei, & cui assimilabo illud?* Et hinc est quodd testantur sacræ literæ, *Christum docuisse tanquam auctoritatem habentem.* Sed quid opus est verbis multis, cùm apud ipsos Græcos & Latinos frequentissimum sit, ut privati homines, cum de seipsis loquantur, plurali numero pro singulari utantur, ut infinita exempla unumquemque docere possunt. Non est autem necesse, ut semper id factum sit, quod interdum factum legimus. Quare etiam si in proclamatione Legis Deus id non fecerit, ut ait Schopp:, hinc nullo modo sequitur, eum alibi id non fecisse.

Delirium Iudaicum appellat Schopp: thesi 22., si dicatur, Deum, dum dixit, *Faciamus hominem*, &c. allocutum esse angelos. Sed nos nihil hæcenus videmus ab adversariis allatum, quo absurditas aliqua hujus opinionis doceri possit. Nam quodd ait 1. Schopp:, *Angelos non adjunxisse Deū in faciendo homine, cum id opus solius Dei omnipotentis sit*, non animadvertit primùm, dici posse, Deum allocutum esse angelos, etiam si nihil prorsus eum adjuturi essent, ut scilicet coram illis rem illam tanquam singularissimam exponeret, quæ diversum aliquid a creatione reliquarum rerum futura esset. Nam ad alia a Deo creata non legimus talem locutionem adhibitam fuisse. Deinde non perpendit etiam, quantumvis solus Deus hominem creârit, potuisse tamen aliquam angelorum operam accedere ad istam creationem. Nam antequam homo verè homo esset, formatum primùm e terræ pulvere eum legimus, & deinde inspiratum seu insufflatum fuisse in faciem, seu potius in nares ejus, spiraculum vitæ, id est, spiritum vitalem. Hæc autem licet a Deo facta sint, ministerio tamen angelorum fieri potuisse & proinde facta esse, nihil prorsus prohibet. Denique si vox *creare*, ut nonnulli non injuriâ existimant, idem significat, quod materiei novam formam indere, idque non solo jussu, necessariò & perpetuò, magis adhuc apparebit, nihil absurdi esse, si ministerio angelorum Deus usus fuisse dicatur in creatione hominis. Quemadmodum etiam legimus Deum operâ angelorum in Christi resurrectione usum esse. Angelus enim descendit & lapidem a monumento revolvit, cùm tamen ea actio solius Dei sit, unde etiam ita describitur, *Is qui Iesum ex mortuis resuscitavit.* Et Christus Iesus eorundem angelorum operâ usus esse legitur, in ultimo judicio, ad congregandos fideles ex quatuor ventis, quantumvis illi soli iudicium tribua-

y 11. 32.

Matth: 7. 29.

Quomodo dici possit, Deum operâ Angelorum in creatione usum esse.

Gen. 2. 7.

Matth. 25. 2.

Rom. 4. 24.
& 8. 11.

Matth. 24. 31.

Quomodo dici
possit, hominem
creatum ad ima-
ginem angelorū.

Gen. 1. 26.

Col. 1. 16.

De loco Gen: 3.

Deus Angelos al-
locutus est.

Deus & Angeli
pro eodem acci-
piuntur interdū.

Leſtio diverſa
loci.

De loco Gen: 11.

tribuatur. Alterum quod affert Schopp: *Hominem non eſſe conditum ad imaginem angelorum, ſed ſolius Dei*, falſum prorsus cenſendum eſt. Nuſquam enim legitur, nos ad *ſolius Dei* imaginem creatos eſſe. Facile autem fieri potuit, ut is, qui ad imaginem Dei creatus fuit, creatus etiam eſſet ad imaginem angelorum. Cum enim imago Dei conſiſtat vel in ratione vel imperio, vel utroque ſimul, quid convenientius eſt, quàm hominem creatum eſſe dici ad imaginem angelorum? Cùm & ipſi non minus ratione & mente præditi ſint, & imperium habeant, ob quod etiam throni, dominationes & principatus appellantur. Hæc diximus, non ut Iudæorum ſententiam prorsus approbaremus, ſed ut infirmitatem argumentorum eorum, qui eam improbant, oſtenderemus.

Quartus locus, de quo theſi 23. eſt Gen: 3. *Ecce Adam factus quaſi unus ex nobis*, &c. Hinc verò pluralitatem perſonarum nullam colligi, hinc apparet, quòd Deus reſpectu angelorum, qui tunc præſentes aderant, ita loqui potuit. Mox enim additur: *Nunc ergo, ne forte mittat manum ſuam, & ſumat etiam de ligno vitæ, & comedat, & vivat in æternum*, &c. Hæc verò verba ad angelos, quorum miniſterio ad periculum illud cavendum Deus uſurus erat, facta fuiſſe, admodum veriſimile eſt. Vnde Franciſcus Vatablus poſt vocem, *Nunc ergo*, ait ſubaudiri poſſe, *Vos angeli videte ſive cavete ne mittat*, &c. Miniſterio autem angelorum Deum ea in re uſum fuiſſe, declarat ſequens narratio: *Et emiſit eum Iehova Deus de horto Heden ad colendum terram, de qua ſumtus fuerat. Ejecitque Adam, & collocavit a plaga orientali horti Heden Cherubim, & laminam gladii verſatilis ad cuſtodendam viam ligni vitæ. Et ſenſus erit: Ecce Adam factus eſt, ſicut unus ex nobis, nempe cælitibus, & qui abiis, qui terram incolunt, longè diſjuncti ſumus. Præterea etiam ſi Deus reſpectu ſui ſolius id dixiſſet, tamen angeli non exciperentur. Ii enim nomine Dei vel Iehovæ intelliguntur, ut Pſal: 115. 16. *Cæli, cæli, inquam, Iehovæ, terram autem dedit filiis hominum*. Vbi nemo non videt, Iehovæ nomine ipſos etiam angelos, ut famulitium Dei, contineri. Denique vocem, quæ converſa eſt, *ex nobis*, converti poſſe, *ex ipſo*, vel *ex ſeipſo*, linguæ Hebraicæ non imperiti norunt, ut ſenſus ſit, iſque peregregius: *Ecce Adam factus eſt tanquam unus ex illis, qui ex ſeipſis, hoc eſt, nullo præmonſtratore egentes, per ſeipſos bonum & malum cognoscunt*. Quo ſenſu admiſſo, quid ad pluralitatem perſonarū locus hic proficiat, viderit ipſe Schopperus.*

Quintus locus, Gen: 11. *Descendamus & confundamus*, cum tercio conjungendus erat. Ejuſdem enim uterque roboris. Addam autem hic illud, quòd Deus iſto modo locutus fuiſſe peregregiè dici poſſit, quatenus

quatenus verba ipsius, *Venite descendamus & confundamus*, verbis hominum, urbem & turrim construere volentiū, per nimen in quamdam opponuntur, quæ sic habent: *Venite faciamus lateres, &c. & iterum, Venite faciamus nobis civitatem & turrim.*

Cur Deus dixerit, Descendam⁹, &c.

Sextus locus est Es: 6. 8. *Quem mittam, & quis ibit nobis?* Sed & ad hunc jam responsum est per ea, quæ suprà ad tertium locum dicta sunt. Ibi enim non tantum docuimus, numerum pluralem pro singulari usurpari, verum etiam in eadem oratione, modò plurali numero, modò singulari Christum usum fuisse Ioh: 3. Cui nunc addo illud Pauli Rom: 1. 5. qui semel de seipso ait: *per quem accepimus gratiam & Apostolatam, &c.* & deinde v: 8. ait: *Gratias ago Deo meo.* Et huiusmodi mutationes numeri in aliis etiam autoribus tum Græcis tum Latinis occurrere experietur, qui hoc observare voluerit. Et idem etiam de loco Malach: 1. sentiendum prorsus est.

De loco Es: 6.

Mutatio numeri in eadem oratione.

Septimus locus, de quo thesi 24. Gen: 19. *Pluit Iehova super Sodomam & Gomorrhæam, sulphur & ignem a Iehova*, pluralitatem etiam personarum docere non potest. Solent enim Hebræi sæpenumero loco relativi antecedente uti, ut 1. Reg: 8. 1. ubi sic habet text⁹ Hebræicus: *Tunc congregavit Salomon seniores Israël, & omnes principes tribuum, principes patrum filiorum Israël, ad regem Salomonem, Ierusalem.* & cap: 10. 13. *Et rex Salomon dedit reginæ Sebæ omnem voluntatem suam, quam petivit, præter (ea,) quæ dedit ei manu regis Salomon.* 1. Cor: 1. 7, 8 *expectantes revelationem Domini nostri Iesu Christi, Qui & confirmabit vos usque in finem inculpato in die Domini nostri Iesu Christi.* 1. Thes: 1. 9. *Conversi estis ad Deum ab idolis ad serviendum Deo vivo & vero.* 2. Tim: 1. 18. *Dei illi (Onesiphoro) Dominus invenire misericordiam a Domino in die illa.*

De loco Gen: 19.

Hebræi loco relativi antecedens ponunt.

Octavus locus de quo thesi 25. Ios: 2. *Non potestis servire Iehovæ.* Nam *Dii sancti (Elohim)* ipse est Deus æmulator, jam ex illis, quæ non semel ad alios locos explicandos dicta sunt, intelligi potest.

De loco Ios: 2.

Nonus locus, de quo thesi 26. Esa: 48. est: *Manus mea fundavit terram, & dextera mea expandit celos, & mox subjungit: Veniam ad vos, & habitabo inter vos, & scietis, quòd me miserit Iehova & spiritus ejus.* Hinc jam non pluralitatem indefinitè, sed trinitatem personarum divinitatis ostendere incipit Schopperus. Videamus quo successu. Diximus ab initio, nos non negare, Patrem Filium & Spiritum sanctum esse, & hanc Triadem appellari posse: Sed ad constituendum dogma Schopperi parum est, istorum trium extare mentionem. Necesse enim est, eos personas esse, easque divinas, & in divinitate pares. Necesse iterum est, illas tres personas esse unam essentiam. Nam hæc ad

De loco Es: 48.

Quo sensu Trias concedi possit.

Quid ad Trinitatem Schopperi requiratur.

Cur ex loco Eſai
Trinitas Schopp
probari nequeat.

Rebus actiones
perſonæ propriis
impropriè tribui
poſſunt.

Act: 20. 12.
Eph: 6. 10.
Phil: 1. 10.

Quis ſit miſſus
apud Eſaiam.

Leſio loci di-
verſe.

De loco Gen: 18.

Trinitatem Schopperi conſtituendam neceſſariò requiruntur. Hoc autem ex eo, quòd ſimpliciter nominantur, nullo modo colligi poſſe, ipſe, ut puto, Schopperus confitebitur. Itaque, quantumvis in hoc Eſai: teſtimonio, Dei, Filii & Spiritus ſancti mentio fieret, nihil tamen id ad ſtabiliendam ſententiam adverſariorum faceret. Si dicat adverſarius, mentionem fieri mittentis & miſſi & Spiritus, reſpondeo, Miſſum, quatenus miſſus eſt, nunquam eſſe parem mittenti, ſed ſemper minorem illo: At in Trinitatis dogmate nihil prius eſt, nihil poſterius, ſed omnes perſonæ pares. Si dicat, Spiritum ſanctum mittere, & proinde perſonam eſſe. Dico, multa figuratè de rebus dici, quæ perſonæ non ſunt, quæ propriè perſonis còpetunt, & tunc multò magis, quando cum perſonis conjunguntur. Tunc enim nemo non videt, perſonis propriè, rebus impropriè actionem illam competere poſſe. Hoc modo Paulus commendat Ephelios ſeniores *Deo & ſermoni gratiæ illius*; & eosdem Ephelios hortatur, *ut confortentur in Domino, & in potentia virtutis illius*: De ſe autem ait, quòd omnia contemſerit, *ut cognoscat Chriſtum & vim reſurrectiõis ejus*. Vbi nemo non videt, id, quod propriè Deo & Chriſto tanquam perſonis competit, impropriè dici de ſermone gratiæ, de potentia virtutis, & reſurrectiõne Domini & Chriſti. Quanquam præterea duo notanda ſunt. Alterum eſt, quòd is, de quo tanquam de miſſo ſermo eſt, non ſit Chriſtus, ſed propheta. Is enim mixtim cum Deo loquens eo in loco introduci-
tur. v: 12, 13. Deus loquitur: v: 14. propheta. v: 15. Deus iterum. v: 16. propheta. Quod etiam Fr: Vatablus in hunc modum annotavit: *Propheta docet v: 16. ſe a Deo miſſum, vult ſibi fidem dari. Cujus ſententiæ etiam fuit Zwinglius. Epitropha eſt, ait, ad ſeipſum. Vult enim Propheta oſtendere, ſe idcirco eſſe miſſum, ut hæc exponeret, quæ antecēſerunt & ſequuntur*. Idem etiam vidit Calvinus, Gualterus, Tremellius & Iunius, & Bullingerus. Alterum eſt, quòd verba Hebræa converti poſſunt, *Miſit me Dominus & ſpiritum ſuum*, quam lectionem ſecutus eſt Caſtellio. Vnde conſtat, quàm valida ſit opinio, quæ tam ancipiti oratione nititur, & tam variè a variis intelligitur.

Decimus locus, de quo theſi 27., eſt Genef: 18., in quo maniſeſtiſſimam SS. Trinitatis patefactionem contineri ait Schopperus. Is autem eſt, quòd primùm ſcribitur, Iehovam apparuiſſe Abrahamo, & mox ſubjungitur, tres viros ei apparuiſſe: & quòd hoſ tres viros in ſuo colloquio alloquitur ſingulari numero. Sed quanta ſit inutilitas hujus conjecturæ, dici vix poteſt. Nonnè enim alia cauſa dari poteſt, quare dictum ſit ſemel, Iehovam apparuiſſe, & deinde tres viros, præter eam, quòd tres illi viri Iehovæ perſonam ſuſtinerent? Nempe quia is,

qui

qui personam Iehovæ gerebat, duobus aliis comitatus apparuerit, & aliis duobus antecelluerit? Nonné ideo etiam dici potest, Abrahamum singulari numero illum unum, qui aliis præcellerat, allocutum fuisse? Id autem ita se habere, inde apertè constare videtur, quòd discedentibus duobus ex illis, & uno remanente, is, qui remanet, Iehovæ nomine appellatur, cum quo Abrahamus, tanquam cum Iehova loquitur, & salutem Lothi longo verborum circuitu tacitè procurat, Quamvis enim dicatur in historia, viros illos abiisse Sodomam, non omnes tamen, sed duos tantummodo abiisse, demonstrat initium cap: 19. ubi scriptum est: *Veneruntque duo Angeli Sodomam.* Vnde, quando cap: 8. dicitur; *& converterunt se viri illi, & abierunt Sodomam, Abraham verò adhuc stabat coram Iehova,* quis est, qui non videat, discrimen manifestum inter eum, qui remansit, & eos, qui abierunt, in Iehovæ persona sustinenda, cum hi Angeli, ille verò Iehova nominetur, ut ex versu quoque 27. cap: seq: apparet, & manifestè hac ratione ab illis distinguatur? Porro etiam si concedatur, omnes æquè personam Iehovæ sustinuisse, & quemvis eorum Iehovæ nomine appellari potuisse, quid hinc evincant adversarii? cum certum sit, Abrahamum tres illos viros alloquentem, numero singulari uti potuisse, non ob occultum aliquod personarum divinitatis mysterium, sed quia sic, quamvis cum pluribus sit sermo, loquendi mos interdum est in Hebræa lingua, si plures illi simul sint, & unam quodammodo personam sustineant. Nam & Lothus ex iisdem tribus duos, numero singulari allocutus est, cap: 19. 19. *Ecce nunc invenit servus tuus gratiam in oculis tuis,* quod tamen ad Trinitatis mysterium, cum duo tantum essent, nec tertium cum illis antea fuisse sciret Lothus, referri nequaquam potest. Et 1. Sam: 9. 12. puellæ illæ, Sauli & puero ejus interrogantibus, num eo in loco esset Videns, id est, Propheta, responderunt, *Est, en ante te, nunc ergo festina,* &c. Quòd enim cum utroque loquerentur, manifestum faciunt sequentia verba: *cumque ingressi fueritis civitatem, ilico invenietis eum.* Sed quid opus est diutius immorari in diluendo hoc testimonio, cum præstantissimi ex recentioribus Theologis, qui nobis adversantur, infirmitatem argumenti inde deducti agnoverint, inter quos sunt Lutherus, Calvinus, Musculus, Bornhaus. Lutherus inter alia sic ait: *Quòd si non alia Trinitatis probatio esset, quàm hæ tres species, ego sanè eam non crederem.* Schopp: verò dum manifestissimam Trinitatis patefactionem hanc esse ait, videat, quomodo ei cum Luthero conveniat. Calvini autem verba ita habent: *Quòd autem Patres hinc Trinitatis & unitatis mysterium eliciunt, frivolum est, & sanis calumniis que obnoxium.* Musculus autem sic scribit: *Istæ*

Cur tres appa-
erint Angeli A-
brahæ, & is u-
num tantum al-
locutus sit.

Loquendi modus
Hebraicus.

Testimonia The-
ologorum.

Lutheri.

Calvini.

Musculi,

tres perſonæ, quæ Abrahamæ apparuerunt, ſanctæ Triadis perſonæ non fuerunt, nec Abraham eos hoc loco habuit. Vtrumque ex ipſa hiſtoria eſt manifeſtum. Quodd apparentes perſonas concernit, erant illi angeli, non S. Triadis perſonæ. Nam inſrâ hoc cap: ſic legimus: *Converſerunt ſe inde viri, & abierunt Sodomam.* & in principio cap: ſequi: *Venerunt, inquit, duo Angeli Sodomam.* Item, *delebimus locum illum, eò quodd creverit clamore eorum coram Domino, qui miſit nos, ut perdamus illos.* Item, *cùm mane eſſet, cogeant eum Angeli dicentes: Surge tolle uxorem tuam.* Itaque cùm conſtet, eos fuiſſe Angelos a Domino miſſos, quomodo fuerunt tres ſanctæ Triadis perſonæ? Ne dicat autem quisquam, alios apparuiſſe Abrahamæ, & alios veniſſe Sodomam: Sodomam quidem veniſſe Angelos a Domino miſſos, Abrahamæ verò apparuiſſe, Patrem, filium & ſpiritum ſanctum, manifeſtum eſt ex contextu hiſtoriæ, eosdem iviſſe Sodomam, quos habuerat Abraham in convivio. Sic enim legitur: *& ſurrexerunt viri inde, & verterunt ſe verſus Sodomam, & Abraham ibat cum eis deducens eos.* Ibid: v: 22. *& verterunt ſe viri, & iverunt Sodomam, Abraham verò adhuc ſtabat coram Domino.* Ergo non alii, ſed duo ex tribus iſtis viris, ſicuti principium cap: ſequi: memorat, venerunt Sodomam, & Angeli erant a Domino ad perdendam Sodomam miſſi. Deinde Apoſtolus Heb: 13. quum ad hunc locum reſpiciens ait: *Hospitalitatis nolite oblivifci: per hanc enim neſcui quidam angelos hospitio receperunt,* ſatis indicat, Angelos fuiſſe ab Abrahamo & Lot hospitio acceptos. Quare invalidum eſt, quodd ex hoc loco quidam, ſive ad docendum hoc faciant, ſive ad arguendum, myſterium S. Triadis aſſerere volunt, &c. Quodd autem nec Abraham in tribus hiſce viris perſonas S. Triadis conſideravit, ex eo ſatis patet, quodd officia humanitatis talia illis obtulit, quæ nemo poterit Deo, niſi proſus inſanus, offerre ac deſtinare. *Afferam, inquit, pauxillum aque, & laventur pedes veſtri, & requieſcite ſub arbore, ponamque buccellam panis, & confortetur cor veſtrum: poſtea tranſibitis.* Hæc ſanè non Deo ſed hominibus conveniunt. Quales eos eſſe credebatur, talia etiam obtulit officia. Cùm ergo tres iſtæ perſonæ, nec fuerint perſonæ Trinitariæ, nec ab Abrahamo pro illis ſint agnitæ, quorum attinet eas myſterio S. Triadis accommodare. Hactenus Muſcul.

De loco Pfal: 33.

De loco Pfal: 33. qui eſt undecimus, de quo theſi 28., ſuprà dictum eſt, quod ſufficit ad intelligendum, nihil ibi de tribus perſonis haberi, imò nec de filio nec de ſpiritu ſancto ſermonem eſſe, autoritate virorum minimè ſuſceptorum comprobatum eſt, qui Verbum Dei & ſpiritum oris ejus, pro ipſo Dei imperio & juffu accipienda eſſe rectiſſimè ſenſerunt.

Duodecimus locus est, Psal: 67. ubi Deus ter appellatur, quod idem etiam Num: 6. fieri ait. Sed ad hos & alios similes locos, in quibus ter Dei fit mentio, nihil aliud respondendum putamus, quam quod huiusmodi frivolis conjecturis sanctissima Christi religio suspecta reddi possit omnibus ejus hostibus. Quis enim non intelligit, repetita ista voce Dei, non personarum Trinitatem (nam vox Dei potius Deorum Trinitatem inferret, ut suprâ etiam docuimus in responsione ad primum locum) indicari, sed rei, de qua sermo est, nempe precationis vel benedictionis perfectionem & incrementum. Quemadmodum etiam alibi, cum ter Deus sanctus appellatur, perfectio sanctitatis, vel ejusdem constans asseveratio & prædicatio innuitur. Item cum apud Hier: Deus dicit: *Nolite confidere in verbis mendacii, Templum Domini, templum Domini, templum Domini*: & alibi apud eundem prophetam, *O terra, terra, terra*: & apud Ezechielem, cum de corona Regis Zedechie dicitur, *Obliquam, obliquam, obliquam* ponam eam. Vbi nemo non videt, istam repetitionem adhiberi tantum majoris & absolutæ assertionis gratiâ, non verò ob triplicitatem rerum, quarum ibi fit mentio. Perfectionem autem quandam numero ternario contineri, inter alia exempla multa hæc pauca ostendere possunt. Christus ter Petrum interrogat, an se amet; & ter illi mandat, ut agnos vel oves pascat: Act: 10. 16. & 11. 10. ter Petro visio exhibetur variarum pecudum, quas mactare jubebatur: Paulus ter Christum rogavit, ut angelus Sathan discederet, & Christus ter Patrem rogavit, ut calix a se transiret.

Decimus tertius locus affertur thesi 30. ex Mat: cap: 22. ubi, quia mentio fit Domini, qui dixerit, & Domini, ad quem dictum sit, & denique spiritus, in quo dictum sit, hinc Schopperus S. Trinitatem colligit. Ad hunc locum nos addemus etiam alios sequentes Matth: 3. 16, 17. & 28. 19. Ioh: 14. 16. & 15. 26. 2. Cor: 13. 13. 1. Pet: 1. & 1. Ioh: 5. 7. in quibus confitemur, Patris, filii & spiritus sancti mentionem expressam fieri, & hanc Trinitatem a veteribus appellatam esse non dubitamus: sed eam quam Schopp: cum suis intelligit, hic vel describi, vel ex his, quæ scripta sunt, colligi posse, pernegamus. In omnibus enim his testimoniis nihil dicitur, quod doceat, Christum vel Filium Dei, esse personam æquè prorsus divinam, ut Pater est: nihil etiam dicitur, unde constet, Spiritum sanctum personam simpliciter esse. hoc autem ad Trinitatem Schopperi stabiliendam requiri necessariò, ipsi fateretur. Nam in primo, Filius ita differt a Patre, ut Pater filio dixerit: *Sede a dextris meis, donec ponam inimicos tuos scabellum pedum tuorum*. Qui verò ita est Dominus, ut ei summa potestas data sit,

De loco Psal: 67.

Quid numerus ternarius rebus additus in sacris literis denotet.

Ez: 6. 3.

Jerem. 7. 4.

cap: 22. 29.

ca. 21. 27.

Iohan. 21. 15.

2 Cor. 12. 8.

Mat. 26. 39, 42, 44.

De loco Mat: 22.



Status controversæ inter nos & Schopperum.

Cur in locis citatis non continetur Trinitas.

& alius ei inimicos subiciat, is certè nullo modo idem Deus, qui Pater est. Huic enim a nemine dari quicquam potest, nec ei hostes illius subicere necesse est. In spiritu verò aliquid dici ab aliquo posse, quantumvis spiritus non sit persona ulla, nemo non videt. Tam enim potest virtus Dei, quæ est spiritus illius, aliquem ad aliquid dicendum movere, quàm gratia Dei in hominibus multa operari, ut Apostolus ait, quæ tamen gratia Dei persona in Deo nulla est.

1. Cor. 15. 10.

De 2. loco Mat.
3.

In secundo loco Christum baptizari a Iohanne: & spiritum super eum descendere, & in eo requiescere audimus. Quomodo igitur persona æquè divina ut Patris persona, Christus censeretur potest? cum non nisi homo baptizari; in Deum autem spiritum Dei descendere, & in eo manere, non nisi blasphemè dici possit. Spiritus verò sanctus, qui ita descendit, ut maneret super Christum, ut addit Ioh: cap: 1. 33. quomodo persona esse potest, cùm de personis, quales sunt Deus & Christus, nusquam legatur, quòd maneat vel sint super aliquem, quemadmodum de rebus, nempe de ira Dei, de pace, & misericordia id legimus.

Ioh: 1. 36.
Gal: 6. 16.

De 3. loco Mat.
24.

Intertio tribuitur quidem tam Filio & Spiritui sancto baptismus quàm Patri: Sed nec hinc probatur, vel filium esse parem personam personæ Patris, vel Spiritum sanctum esse personam. Solent enim diversæ personæ jungi, in rebus non minùs divinis quàm est baptismus, ut in fide & timore jungitur Moses & Samuel cum Deo: Solent etiam personæ rebus conjungi, & tam de his quàm de illis ea dici, quæ longè divinissima sunt, ut suprà in respons: ad 9. locum docuimus. Et si quis ipsum baptismum urgeat, notandum est, non tantùm in Deum, sed etiam in alias personas, imò & res eum administrari posse. Baptizati enim fuere Patres in Moysen: & discipuli quidam in baptismum Iohannis. Vbi hoc etiam notandum est, voces *In nomen Patris & filii* tantundem valere, quòd in Patrem & filium, sicut in nomen Filii credere, idem est, quòd in Filium credere: ut scilicet hinc agnoscas, baptismum etiam dari in spiritum sanctum. Verba enim *in nomen*, propriè Patri & Filio, impropriè spiritui sancto tribui possunt.

Exod: 14. 31.
1. Reg: 13. 18.

1. Cor: 10. 2.
Act: 19. 1.

Ioh. 3. 18.
2. Ioh. 5. 10, 13.

De 4. loco Ioh.
14.

Quartus locus docet, Christum rogare Patrem: Christum mittere spiritum a Patre. Ergo Christus non est persona æquè divina, ut Pater. Pater enim neminem nec rogat, nec rogare potest; nec ab alio sed a seipso mittit spiritum sanctum: Spiritus verò sanctus, etiam si, ut persona introducatur, dum ea illi tribuuntur, quæ personæ conveniunt, tamen propterea pro persona haberi non potest. Nam quæ illi tribuuntur personæ propria, ea per figuras sacris literis usitatissimas, Metonymiam & Prosopopœiam excusari possunt: Interim verò ea de illo ipso spiritu dicuntur, quæ personæ competere nullo modo

pōssunt, quale est, quōd procedit a Patre. Nec enim persona a persona perpetuo potest procedere (ut vox Græca, quæ est præsentis temporis, requirit) sed res a personis procedunt, ut est Mar: 7. 15. ubi idem est verbum. Deinde idem Spiritus sanctus datur, vel homines illo obli- gnantur: idq; in illis ipsis locis dicitur, ex quibus aduersarii colligere solent, eum esse personam, (ut Luc: 11. & nominatim Ephes: 5. Ibi enim dicitur, *Ne contristate spiritum Dei sanctum.*) Hoc verò de persona dici posse, nemo sanæ mentis affirmabit, præsertim si consideret, simul & semel plurimis illum dari, vel plurimos illo obli gnari. Personam au- tem divinam non esse, locus Ioh. 16. cum dicitur: *Nihil a seipso loquitur*, ita evidenter docet, ut nulli tergiversationi locus esse videatur. Quis enim hoc de divina persona dici vel cogitari posse unquam suspi- catus est? At de re, dici illud figuratè, rectissimè potuit. Non est autem silentio prætereundum, quàm misere se gerat in probanda sua Trini- tate Schopperus ex initio Marci thesi 33. *Hoc est Evangelium Iesu Chri- sti, Filii Dei.* Ait enim, quia Patris & Filii fit mentio, & Evangelium Mar- cus scripserit instinctu Spiritus sancti, sic innui totam Trinitatem. Sed primùm Spiritus sancti nulla ibi fit mentio: & si ex eo personas Tri- nitatis colligere licet, quōd instinctu spiritus aliquid scriptum sit, cur potius initium Evangelii Marci allatum est, quàm aliæ infinitæ sacrarū literarum partes, quæ omnes spiritus S. instinctu scriptæ sunt? Illud ve- rò prorsus insulsum est, quōd ex initio Evangelii D. Iohannis Trinita- tem probari existimet thesi 35. Quia scilicet Dei & verbi mentio fi- at, & quōd filii Dei non ex carne & sanguine, sed ex spiritu S. nascan- tur. Nulla enim Spiritus S. apud Iohannem mentio est: imò loco Spi- ritus S. Dei nomen extat v. 13. qui proculdubio idem ille est, de quo ab initio dictum fuerat.

Quintus item locus 2 Cor. 13., de quo thes: 35., Christum personam æquè divinam esse ut Pater est, non evincit. cū gratiam ab eo etiam precari quis possit, qui non sit ipse Deus, dummodo divina potestate præditus sit, ut ex c. 1. Apoc. apparet, ubi a Iesu Christo, qui est testis fi- delis, & primogenitus ex mortuis, gratiam & pacem precatur Iohan- nes. Testis autem fidelis & primogenitus ex mortuis, Deus ipse nullo modo esse potest: Communio verò spiritus S., quam ibidem Paulus pre- catur, non est aliquid simile gratiæ Christi & charitati Dei, quasi scilicet ita Spiritus S. aliquid communicare possit, ut gratiam & charita- tem largiri possunt Christus & Deus: Sed passivè accipi potest ista cō- municatio Spiritus S., ut sensus sit: precor, ut vobiscum communice- tur Spiritus sanctus. Quo sensu alibi etiam phrasis hæc, communio ali- cuius rei, accipitur.

Spiritus sanctus
in potissima si-
gnificatione ac-
ceptus non est
persona.

Ineptia Schoppi
1.

12.

De 1. loco 2. Cor.
13.
A quo precari
quis possit grati-
am.

Quid sit commu-
nio spiritus S.

1. Cor. 10. 16.

De 6. loco Rom:
1.

1 Tim. 6. 16.

2. Cor. 13. 4.

De loco 1. Pet. 1.

Per rem etiam
sanctificatio fieri
potest.

De loco 7. 1. Io-
han: 5.

Ioh. 9. 33, 37, 39.
Quomodo unum
sint Pater Filius
& Spiritus S.

Vanæ suspiciones
adversariorum.

Summa ante di-
ctorum.

Sextus locus Rom. 1. 2. aperte testatur, Filium Dei factum esse se-
cundum carnem ex semine Davidis, & constitutum Dei filium per spiri-
tum sanctificationis ex resurrectione mortuorum. Quomodo igitur
persona æquè divina esse potest, ut Pater? cum Pater sit ab æterno, &
constitui aliquid nullo modo possit, ut qui ipse sit a seipso, qualis est;
nedum per resurrectione mortuorum. Hæc enim præsupponit mor-
tem. Deus autem est, qui solus habet immortalitatem: Per spiritum ve-
rò sanctificationis Deum constituisse filium suum, non docet, Spiritum es-
se personam. Nam & per virtutem Dei Christum revixisse legimus,
quæ tamen persona nulla ratione dici potest. Idè etiam de loco 1. Pet. 1.
sentiendum est. Tam enim Christi Apostolus esse potuit Petrus, quàm
Patris, etiamsi Christus non esset persona æquè divina, ut pater est. Cū
ad constituendum Apostolum satis sit potentia divina, quæ Christum
a Deo donatum esse abundè testantur sacræ literæ. Per sanctificatio-
nē verò Spiritus electos fuisse fideles dici potest, etiamsi Spiritus per-
sona nulla sit, cum non tantum per personas sed etiam per res sanctifi-
cari possint homines, Ioh. 17. 17. *Sanctifica eos in veritate tua.* Quan-
quam valdè dubium est, an Petrus de Spiritu isto Dei sancto loquatur,
& non potius metonymicè intelligat sanctificationem, quæ in Evan-
gelio continetur, quæ opponitur sanctificationi carnis vel legis.

Septimus locus 1. Iohan: 5. 7. itidem non docet, Sermonem esse
personam æquè divinam, ut Pater est; vel spiritum esse personam.
cū nihil vetet, quominus personæ impares testentur de eadem re,
ut testabatur de Christo, Deus Pater, & Iohannes Baptista; & unà cum
personis res, ut unà cum Deo testabantur scripturæ de Christo. Vnum
autem esse tres quid impedit, nempe testimonii consensu, etiamsi
non sint unius essentia? quemadmodum ibidem additur: spiritum, a-
quam & sanguinem, hos tres esse unum. Locum hunc ab Arianis ex-
punctum fuisse aliquando, mera conjectura est. Absutum autem a sci-
olo quodam fuisse, & ipse rerum contextus, & autoritas plurimorum
exemplarium tum Græcorum tum Latinorum, quæ planè eum omit-
tunt, ut etiam Lutheri & Tigurinorum versio, satis superq; docet. At-
que sic hæcenus vidimus, quomodo se gesserit Schopp: in asserenda
sua Trinitate. Locos non paucos attulit, ex quibus credebat, plurali-
tatem personarum probari, qui tamen nullam planè continent: Alios
etiam attulit, in quibus quidem Dei vel Patris filii & spiritus vel spi-
ritus sancti mentio fit, sed nec filium personam æquè divinam esse ut
Pater est, nec spiritum sanctum personam esse, ulla ratione demon-
stravit. Agnoscat igitur lector benevolus, quanā sint fundamenta
hujus de Trinitate, qualem fingunt adversarii, opinionationis: eam scili-
cet nec

cet nec in sacris literis extare expressè descriptam. unde constat, non esse etiam ad salutem necessariam; nec ex sacris literis justâ consequentiâ deduci posse. unde constat, eam nec ad salutem utilem esse. Quod verò ad salutem, non tantum utile, sed absolutè necessarium est, hoc est, quòd sit Pater, Filius & Spiritus S., quòd nos baptizari oporteat in nomen Patris Filii & spiritus sancti, & quòd Pater & Christus orandi sint, ut spiritum sanctum nobiscum communicent. Quod nostræ Ecclesiæ constantissimè credunt, & in eo indies rectius cognoscendo quotidie sese exercent.

Porro Schopperus ad modos, quibus una eademque divinitas est in Patre Filio & spiritu sancto, explicandos se parat, Patrem scilicet eam habere *ἐννύκτως*, Filium *γεννητῶς*, Spiritum S. *ἐκπροεϋτῶς*. Sed quia nondum demonstratum est, unam esse horum trium divinitatem, quomodo de modis habendi eam differi rectè potest? Quamquam ea, quæ hic a Schoppo dicuntur, ad erroris eum convincendum & veritatem in lucem producendam aptissima sunt. Nam quia filius a Patre genitus est, hinc sequitur firmissimè, eum non habere divinam naturam vel essentiam. Natura enim vel essentia Dei numero una est, & ut sit, necesse profus est. Quod verò naturâ unum est, cum altero communicari sana vetat ratio. Contradictoria enim sunt, unum esse, & cum altero communicari. Legimus quidem ea verba Psal: 2. *Filius meus es tu, ego hodie genui te*: Sed verba illa non de propria generatione intelligenda esse, docet primùm illud, quod modò dicebamus de unitate numerica essentia divina. Docet iterum, quòd primo respectu de Davide verba illa sint intelligenda. Hic autem nec propriè nec ab æterno a Deo gigni potuit. Docet porro autoritas Apostolica. Legimus enim semel, tunc impleta fuisse verba hæc Psalmi, quando Deus Christum ex mortuis resuscitavit, & iterum tunc, quando Deus Christum glorificavit, ut fieret summus Pontifex. Docet deniq; autoritas multorum minimè suspectorum virorum Theologorum, inter quos sunt Antonius Flaminius, qui etiam affirmat, se sequi Chrysostomum, & Theodoretum Antiochenum, atque Hilarium Pictavorum Pontificem, quos sensisse ait, Paulum etiam in ea fuisse sententia. Nicolaus Henningius, Franciscus Vatablus, qui rotundè ait: *Hodie genui te: Diem resurrectionis hunc diem interpretatur Paulus Act: 13. & Heb: 1. & 5. q. d. ego suscitavi te, & ita genui in vitam æternam.* Cum Christus ostenditur Dei Filius, Rex esse probatur. Iacobus Ianfonius Amstredamensis S. Theolog: Lovanii Professor. F. Adamus Sasbout Minorita, Claudius Guiliandus Bellijorensis super Epistolam ad Hebr: cap: 1., Wolf: Musculus, Ioh: Calvinus, qui

Dogma Trinitatis Schopperi nec ad salutem necessarium nec utile.

Quid ad salutem sit necessarium in hoc dogmate.

Discursus Schopperi *ganus*, & eidem contrarium.

Rationes cur verba Psal: 2. nō de propria generatione intelligenda.

Act: 13. 35.
Hebr: 5.

inter alia sic ait: Scio locum hunc de aeterna Christi generatione à multis fuisse expositum, qui & in adverbio Hodie argutè philosophati sunt, ac si perpetuum actum extra tempus notaret. Sed huius vaticinii fidelior ac magis idoneus interpres est Paulus, qui Act: 13. 33. ad illam, quam dixi, celestis Christi gloria demonstrationem nos revocat. Idque Patrus approbat lib: 2. opposito Pseudocalvino Iudaizanti cap: 28.

Processus etiam, qui tribuitur Spiritui sancto, quod personæ non conveniat, suprà ostensum est. Non enim naturaliter & perpetuò, ut vox procedit arguit, persona a persona procedit, sed res tantum isto modo procedere possunt.

Ex Symbolo Apostolico Trinitas Schopperi non ostenditur.

Sed habet adhuc aliud argumentum Trinitatis Schopp: thesi 42. Symbolum scilicet Apostolicum, ubi dicimus, *Credo in Deum*. addit autem, Schopp: *in unum Deum*, sicuti Symbolum Nicenum habet. & deinceps subjungi ait personas, Patrem, Filium & Spiritum S. Sed Symbolum Apostolicum non habet vocem *unum*. Corrigere autem Apostolicum symbolum ex Niceno præposterum omnino est. Symbolum porro Apostolicum affirmat unà cum sacris literis, Deum, esse illum Patrem omnipotentem creatorem cæli & terræ. Nam præter Patrem nullus est alius Deus, nempe qui naturâ talis sit. hic verò κατ' ἔξοχην Deus in sacris literis appellatur. Quanquam nec Nicenum symbolum eo respectu unum Deum nominasse credibile est, quod sint plures ejus personæ in una essentia: sed unum Deum esse ait, Patrem, per appositionem. Et certè futilem esse istam conjecturam de tribus personis ex symbolo sumtâ hinc constat, quod, si ille sensus esset Symboli, non opus fuisset postea repetere, *Et in Iesum Christum*, sed sine præpositione *In*, vel potius etiam sine conjunctione *Et*, simpliciter *Iesum Christum* dictum fuisset. Cum enim præpositio *In*, non fuerit ipsi voci *Patrem*, antea præposita, nulla ratione potuit ea anteponi nomini, *Iesum Christum*, si vox Patris distinctè a voce *Deum* accipienda est. Hoc enim pacto non repetitur, nec repeti potest ante vocem *Patrem* tacitè verbum *Credo*, sed necesse est, ut vox *Patrem* per appositionem enunciatur. Itaq; similiter ante nomen *Iesum Christum* verbum *Credo* tacitè repeti nequit, sed necesse est, ut id nomen per appositionem efferatur, & consequenter nulla ratione ei præpositio *In* potest anteponi. Deinde cùm ad spiritum sanctum ventum est, ineptissimè repetitur verbum *Credo*, si spiritus sanctus ibi ad Dei nomen ab initio positum explicandum pertinet, quantumvis longo intervallo ab eo distet. Nihil nunc dico, quod vel nullo modo admitti possit, in Symbolo dictum fuisse, *Credo in Spiritum sanctum*, sed tantum, *Credo Spiritum sanctum*; vel si tamen ita dictum fuisse censendum sit

1. Cor: 9. 6.

dum sit, non alio sensu id dictum esse, quàm quo dicitur, Credo in unam sanctam Ecclesiam, vel carnis resurrectionem, vel, ut sacram literarum autoritate utamur, quo Iohannes dicit, credi in testimonium Dei, vel quo Christus jubet credere in Evangelio. Præterea cum Iesus Christus in symbolo Dominus nosse appellatur, parumne constat, cum non fuisse comprehensum in voce *Dei* supra posita? Quid enim attinet eum Dominum nostrum appellare, quem ipsum Deum esse, ibidem dicitur? Denique quid utilitius est in sacris literis, quàm Christum a Patre distingui, idque in ipsa etiam fide, ut Christus ait: *Creditis in Deum, & in me credite*, ut ita nihil opus fuerit ista puerilia comminisci de tali symboli sensu.

Ait deinceps thesi 43., huic doctrinæ de Trinitate initio se opposuisse Ebionem & Cerinthum, contra quos etiam Apostolus Evangelium suum conscripserit, & testem adducit Eusebium. Sed hæc fabula est multiplex. Primum enim tacite principium petit Schop., quasi scilicet ab initio Evangelii doctrina de S. Trinitate talis, qualem ille fingit, extiterit, quo nihil falsius dici potest. Quomodo verò doctrinæ tali, quæ nondum extitit, opponere se aliquis potuit? Extabat quidem doctrina de Patre Filio & Spiritu sancto, quæ doctrina de S. Trinitate appellari potest, & aduersus hanc vel partem illius, quæ est de filio Dei, aliquid contrarium attulisse Ebionem & Cerinthum dici potest. Cerinthus enim negavit, Iesum ex virgine natum, sed Iosephi filium esse contendit; Christum impassibilem fuisse, & in fine a Iesu revolasse, Iesum autem passum fuisse & resurrexisse, Ebionitæ etiam idem de Christo senserunt, eum ex Iosepho & Maria natum, & nudum hominem dixerunt; Legis Ceremonias Evangelio miscuerunt, solo Matthæi Evangelio usi sunt; Paulum tanquam Apostatam legis rejicientes, circumcidebantur, Iudaico charactere vita utebantur, & Hierosolymâ adorabant, quæ domus Dei sit. Hæc omnia verò & singula, quomodo non cōveniant cū Evangelio Iesu Christi, & doctrina de ipso Christo tradita, omnes hodie, Deo sit laus, intelligimus. D. Iohannem porro Evangelium suum istis hominibus opposuisse, nonne humanū figmentum censendum est? Nam si istis erroribus suum opponere voluisset Evangelium, cur istos errores non refutasset, vel saltem contrarium illis in Evangelio nō dixisset, de conceptione Christi ex Spiritu S., & nativitate ex virgine, & alia? Nonne verò ipse Iohannes scopum scriptionis suæ alium prorsus ostendit, dum ait: *Hæc scripta sunt, ut credatis, quod Iesus est Christus filius Dei, & ut credentes habeatis vitam in nomine ipsius*. Denique Eusebii autoritatem hic adduci, valde mirum videri debet. Is enim loco citato, nec Ebionis aut Cerinthi, nec scripti

Quomodo in Spiritum sanctum credi possit.
1. Ioh: 4. 10.
Mat: 3. 15.

Ioh: 14. 2.

Errores Schopperi.

Cerinthi opinio.

Iren 1: 1. c: 23.
24, 25.

Ebionitarum opinio.
Euseb: 1: 3. c: 24.
& 6. 16.

Iohann: 20. 31.

Quid de Ario
sentiendum.

adversus illos a Iohanne Apostolo Evangelii vel minimam facit mentionem. Inspiciat, qui velit, locum, & quæ fides Schop. habenda sit, ipsemet iudicet. Eiusdem etiam momenti & fidei est, quod de Arrio deinceps narrat Schopperus. Nec enim Arius Trinitatis, qualem fingit Schopp. dogma unquâ impugnavit, cum nondum tunc temporis extaret, sed cudi demum inciperet. Impugnavit autem partem doctrinæ de vera Trinitate, ut sic loquar, quatenus Christum antea extitisse credidit, quàm ex virgine nasceretur: & simul adversus eos, qui jam dogma Trinitatis, quale sectatur Schopp. moliebantur, reliquias veritatis jam pridem oppressæ, defendit. Tunc enim mysterium iniquitatis, quod tempore Apostolorum cœperat, effectum suum sortitum esse jure dici potest, cum ad spirituales superbiam mundana accessit potentia. Reliquias dico veritatis defendisse Arium, quatenus contendit, Christum non esse ὁμοῦσιν patri: Interim ipse graviter erravit, dum passus est se ed adigi, ut confiteretur, Christum antea extitisse, quàm nasceretur. Quem errorem alius deinde consecutus fuit, ut aliqui eorū, qui Arii partes sequebantur, Christum verum hominē & adorandum esse prorsus negarent, quo possilentior circa Christi personam error nullus esse potest. Iam quid Imperator Constantinus fecerit, & quomodo Nicæna Synodus coacta fuerit, non opus est hîc examinare. Hoc tamen unum addere non erit de nihilo, quodd fatentur etiam pleriq; Pontificii, Arium non sacris literis, sed autoritate Ecclesiæ in Synodo illa fuisse condemnatum. Hinc enim conijcere licet, quanta sit veritatis etiam corruptæ vis & quantum robur adversus errores.

Narrat deinceps Schopp., qui modus fuerit argumentandi penes Arianos, nempe eos multa argumenta ex ratione humana & abusu Philosophiæ desumisse, et ad id respondet in hunc modum thesi 47: *Verum argumenta rationis humanæ & Philosophiæ contra verbum Dei non valent. Rectè enim Paulus dicit: Animalis homo non percipit ea, quæ sunt Spiritus Dei. Stulticia enim illi sunt (Schopp. habet, sed sunt ei stultitia) & Col. 2. dicit: Videte ne quis sit, qui vos deprædetur per Philosophiam &c.* Sed inepta est tum responsio Schopperi, tum ejusdem probatio. Argumenta rationis humanæ & Philosophiæ, ait, non valere contra verbum Dei. Quasi scilicet unquam aliquis inter Christianos fuerit, vel ipse Arius, qui rationes humanas *contra verbum Dei* afferre cogitaverit. Contra verbum Dei allatæ rationes nihil valere debent: sed non omnes rationes humanæ & Philosophiæ argumenta sunt contra verbum Dei. Est enim ratio humana & Philosophia instar parvæ lucis respectu magnæ, & instar ancillæ respectu reginæ, ut ait ipse

Quatenus ratio
valeat in religio-
ne.

pse Schopperus. Parva autem lux non est contraria luci magnæ, nec ancilla Regina. Primum & principaliter valere debet verbum Dei in religionis negotio: Postea verò argumenta ex sana ratione desumpta sperni nullo modo debere, plurima sacrarum literarum loca, quæ rationibus humanis nituntur, ostendunt. Et sanè, qui rationem sanam post verbum Dei aspernantur in religione, ii religionem suspectam hoc ipso apud omnes cordatos reddunt. Loca verò Pauli quid quæso huc faciunt? Paulus 1. Cor. 2. loquitur de homine animali, qui nullam Christi & Evangelii ejus cognitionem habet; & de tali ait, quòd non percipiat, nempe ex seipso, quatenus scilicet animalis est, ea quæ sunt spiritus Dei, hoc est, quæ pendent a divina revelatione, eaq; non omnia, (nam de iis, quæ hominem animale non capere ait, dicit etiam, quòd sint illi stulticia. non omnia autem, quæ pendent ex divina revelatione, stulticia sunt homini animali. nam & ipsa vita æterna, imò bona pars vitæ piæ non est stulticia tali homini) sed, tantùm au- & quid sit vita æterna, & potissimùm, quæ sit via perveniendi ad illam. hæc enim, quia carni est contraria, stulticia est homini animali: Nunc verò quæstio est, an homo, cui jam Christi Evangelium innotuit, & proinde animalis esse desiit, possit adhibere post verbum Dei argumenta ex ratione sana desumpta, ad percipiendum mysterium aliquod vel particulam Christianæ religionis? Illud quidem impossibile esse ipsa sana ratio dicat: hoc verò possibile esse, & ipsæ sacræ N. F. cōprobant literæ, quæ cum ratione omnia nos intelligere & facere præcipiunt: imò cultum nostrum Christianum, ad quem tum credenda tum facienda pertinent, λογικόν vel rationalem appellant, quatenus scilicet omnia cum ipsa sana ratione optimè conveniunt & ex ea dependent, cumque legi, quæ potissima ex parte ὁ- γμασι, hoc est, placitis Dei constabat, hac ratione opponunt. In altero loco, secundùm quid etiam Paulus monet, ne patiamur nobis imponi a philosophia, quatenus nō vult, ut modum colendi Deum ex philosophia discamus. Iungit enim cum philosophia ipsam legem divinam, & opponit philosophiæ & legi Christum, & in eo ait habitare omnem plenitudinem deitatis, quæ scilicet emicabat minima quadam ex parte tum in philosophia tum in lege. Vnde constat, quemadmodum ex lege licet argumenta afferre ad Christi religionem confirmandam vel commendandam, sic etiam idem licere ex philosophia, tacitè concedere Apostolum.

Porro argumenta etiam Arianorum recenset Schopp: Quæ quia

De loco Pauli
1. Cor. 2.

Homo animalis
quid,

Ephes. 5. 17.

Rom. 12. 12

Ephes. 2. 15.

De loco Col. 2.

Quatenus vitæ
da philosophiæ.

nos non approbamus omnia, vel in toto; nec ad eum modum omnia formamus, non est quoddam prolixam a nobis expectet benevolus lector responsionem. Præstitisset, Schopperum nostra argumenta, quibus Christum, Deum illum unum, qui Pater est, non esse, docemus, attulisse, quæ jam in non paucis libris, qui in manibus ferè sunt omnium, publicè extant, & ea refutare conatum fuisse, si directam nobiscum disputationem incipere voluisset. Id quia facere neglexit, cogitet lector, quo fine factum sit. Ne quid tamen desideret studiosus veritatis, quomodo pleraque, quæ nos etiam adversus adversarios urgeamus, refuter, idque non suis sed aliorum Patrum verbis, breviter videamus. Argumentum 1. sit, ex illis, quæ prolixè tractantur thesi 49.

Argumentum 1.
veterum.

Christus crevit sapientiâ: & diem judicii ignoravit. Ergo non est unus ille Deus qui Pater est.

Ad hoc recenset Schopp: primùm thesi 50. putidam Athanasii orationem, in qua nihil præter convitia habetur, Quod si respondere est ad argumenta, proculdubio vicit Athanasius. Sed pudeat huius orationis Athanasianæ Schopperum, & si recte illum respondisse Arianis credidit, nec se habere, quod respondeat, hoc ipso se prodere persuasum habeat. Deinde omittit prioris argumenti parte, quæ tamen ita firma est, ut refutari nequeat, ad alteram affert Nazianzeni responsionem thesi 50. quæ talis est. *Quomodo rerum aliquid ignorat ipsa sapientia, ipse seculorum autor, consummator, transformator, rerum omnium finis? Denique is qui, quæ Dei sunt, ita cognoscit, ut quæ in ipso homine sunt, spiritus hominis novit? Et hac cognitione quid perfectius? Tum qui coheret, ut, quæ ad horam illam pertinent, quæque in ipso temporis extremo articulo consistunt, teneat exactè, ipsam verò horam non teneat. Addit etiam alteram Athanasii responsionem talem: Christus discipulis suis curiosè sciscitantibus non expressit id, quod ipse tacitum celatumque esse volebat. Sicut & nos homines alicui secreta indaganti respondemus, nos nescire, scilicet non nobis sed huic indagatori nescientes.*

Responsio 1.
captiosa.

1. falsa.

Refutatio 1. responsionis.

Quatenus Christus est sapientia.

1. Cor. 1. 30.

Quomodo per Christum facta sit secula.

At ego contra hæc dico. 1. Christum nusquam appellari ipsam sapientiam nudè & absolutè, sed sapientiam appellari certo respectu, quatenus sapientissimum Dei de salute humani generis consilium revelavit. Vnde etiam dicitur, eum factum esse a Deo nobis sapientiam. Potest autem aliquis hominibus a Deo fieri sapientia, nec tamen omnia cognita habere, quæ scibilia sunt. cum satis sit ad id, ut sit sapientia hominibus, quoddam, quæ ad salutem æternam pertinent, cognita habeat. Hac enim nobis potissimum opus est. 2. Christum esse seculorum autorem, consummatorem, transformatorem, captiosè dictum est. Nam primùm autor seculorum nusquam Christus appellatur: sed tantum

tantum dicitur, quod per eum Deus secula fecerit. Differunt autem, autorem esse seculorum, & per aliquem a Deo facta esse secula. Hoc enim causam secundam, illud primam significat. Deinde secula per Christum facta esse a Deo, non simpliciter de omnibus seculis verum est, & non sine crassa principii petitione affirmari potest. hoc est, nisi pro concessio sumatur, Christum antea extitisse, quam ex virgine nascere tur, sed de futuris tantum seculis intelligendum est. Vnde etiam pater futuri seculi a Propheta appellatur. Denique per Christum Deus secula fecit, non simpliciter etiam. Secula enim futura proprie loquendo, per Christum fieri non potuerunt, ut pote quæ semper unâ cum Deo fuerunt. Sunt enim nihil aliud, quam ista beata immortalitas, quâ Deus nunquam caruit: Sed eatenus per Christum fecit ea Deus, quatenus hominibus ea per ipsum revelavit. Quo sensu etiam dicitur, gratia & Veritas per Christum facta. Gratia enim illa aliud nihil est, quam illa ipsa immortalitas. Potuisse autem per Christum secula futura isto modi fieri, etiam si diem iudicii ignoraverit, puto omnibus esse manifestum. Consummator etiam vel transformator seculorum Christus jure dici potest, quatenus potestas mundum hunc destruendi, & in futurum transferendi eos, qui in illum credunt, data illi est. Talis autem Christus tunc non fuit, cum dictum est, eum ignorasse diem iudicii. 3. Christum esse rerum omnium finem, si *res omnes* universali- ter accipiantur, falsum etiam est: Si verò de omnibus rebus, quæ ad salutem spectant, intelligatur, notandum iterum est, Christum tunc, cum dixit, se ignorare diem iudicii, nondum fuisse re ipsa rerum istarum omnium finem: nunc verò, postquam finis est omnium rerum, ut antea diximus, concedi potest, eum cognitum habere tempus iudicii. 4. Ex eo porro, quod Christus is sit, qui, quæ Dei sunt, ita cognoscit, ut, quæ in ipso homine sunt, Spiritus hominis novit, non colligi scientiam diei iudicii, hinc constat, quod Paulus de omnibus Christianis dicit, eos operâ Spiritus S. ita nosse profunditates Dei, ut hominis spiritus novit, quæ sunt in homine absconditissima, & tamen Christus negat, ullum hominem diem illum iudicii scire. 5. Exacta scientia eorû, quæ ad horam iudicii pertinent, non evincit scientiam ipsius horæ iudicii. Interrogo enim, quænam sunt illa, quæ ad horam illam pertinentia Christus exacte scivit? Dices, ea quæ habentur in sacris literis descripta. At nonne & nos nunc a Christo edocti exacte scimus ea, quæ ad horam illam pertinent, & tamen horam ipsam nescimus? Responsio verò Athanasii, quam sit inepta, docet primum, quod nulla ratione fulciatur, præter eam, quæ nimis trivialis est, & mendacii specie non caret. Nam dum homines secreta indagantibus respondent, se illa nescire.

Heb: 1. 26

Esa: 9. 6.

Ioh: 1. 17.

1. Cor: 2. 14

Refutatio 2. responsionis.

scire, cùm tamen sciant, humanum aliquid faciunt, quod de Christo Iesu cogitare tantùm non est nefas. Deinde, quid opus fuisset addere, nec angelos nec filium scire illam iudicii horam, sed solum Patrẽ, si Christus re ipsa illud scivit? Certè non solus Pater illud scit, quod etiam alius scit præter Patrem, quantumvis illud celatum velit. Præterea si filius ita nescit, quod tacitum esse celatumq; velit, sequetur, Angelos etiam diem iudicii ita nescire, ut aliis id revelatum nolint. Nam & de illis dicitur, quòd eum ignorent, & sic scient angeli diem iudicii. Quomodo igitur verum erit, solum patrem illum scire? Deniq; nullo modo Christus dicere potuit aut debuit, filium nescire diem iudicii, si illum scivit secundùm divinam naturam. Nam quæ vera sunt de una parte vel natura, eaq; potiori, ea non possunt negari de persona vel de toto. Quemadmodum nemo dicet se non intelligere, aut meditari, quia corpus eius non intelligat aut meditetur.

Argumentum 2.

Responsio.

Refutatio,

Argumentum secundum esto. Pater est major Christo: Filius a se nihil potest: Non est filii dare regnum, &c. Ergo Christus vel filius non est idem Deus qui Pater est. Respondet Schopp: thesi 51. ex Athanasio, *Hæc non infirmare filium sed a Patre distinguere, & humilitatem ejus & incarnationem ostendere. Et in symbolo suo Athanasium dicere: Aequalis Patri secundùm divinitatem, minor Patre secundùm humanitatem.* Egregia sanè responsio. Quasi qui minorem se dicit Patre, & nihil a seipso facit, & in cujus potestate non est dare aliquid, non ita distinguatur a Patre, ut simul infirmetur, hoc est, pro minore habeatur? Quasi humilitas Christi non doceat illud idem, quod objicitur. Nam in Deum nulla cadit humilitas. Incarnatio verò, quomodo ad argumentum refutandum afferri potuit, quæ ipsa controversum dogma est, & nullo sacrarum literarum vel testimonio vel ex eis deducta ratione ne probabiliter quidem demonstrari potest? Symbolum verò Athanasii num principium est Christianæ religionis? Num Apostolus Athanasius, homo seditiosus & mulierosus? de quo vide Sozomenum lib: 5. cap: 6. & miraberis. Sed præterea quæ hæc est ratio disputandi, sumere pro concessio, quod maximè est in controversia? Divinitas, qualem credit Schopp, negatur a nobis, & tunc negabatur ab illis, adversus quos scribebat Athanasius. Quomodo igitur eâ controversiæ dirimi possunt? Sed & admissa ista fictitia Christi divinitate, nullo modo concedendum est, Christum dicere potuisse de se simpliciter, quòd non fuerit par Patri, vel nõ omnia potuerit, si par patri fuit & omnia potuit secundùm naturam unam, eamque præstantiorem, ut modò dicebamus. Nam quod verum est de parte hominis altera, de homine ipso nunquam simpliciter negari potest.

Locum Proverb: 8. nos illo modo non citamus, quo Arianos eum citasse ait Schopperus. itaque non est, quod Arianos defendamus. Negamus in illo loco sermonem esse de Christo. Salomon enim de sapientia in genere loquitur: Christus verò sapientia non simpliciter, sed Dei appellatur. Salomon agit de sapientia, quæ nec persona est, nec esse potest, ut e variis effectis, quæ isti sapientiæ cap: 7, 8, & 9, tribuit, apparet, ex quibus ea sunt, quod per eam reges regnat & principes iusticiam decernant. unde etiam cap: 9. eam introducit omnes ad se invitantem & virgines suas mittentem: Christus verò ita sapientia est, ut simul etiam sit persona.

Tertium argumentum esto. Christus est primogenitus omnis creaturæ. Ergo est creatura. Addimus autem, Quia non est creatura vetus. hic enim Arianorum error est. Ergo nova. Affert responsionem Athanasii Schopperus thesi 53. talem. *Veritas ipsa tam absurdam opinionem refutat, docetq; eum primogenitum inter multos fratres appellatum esse, ob carnis nostræ cognationem: Primogenitum quoq; ex mortuis, eò quod per eum, & cum eo resurrectio mortuorum incipit.* Hæc ille. Addit autem Schopperus. *Respicit Paulus etiam eò, quod Christo tanquam primogenito jus primogeniti scilicet regnum & sacerdotium spirituale contigerit, ut noster Rex & sacerdos spiritualis esset.* Sed & Athanasii & Schopperi responsio nulla prorsus est. Athanasius enim docere conatur, quare Christus primogenitus inter multos fratres sit, & primogenitus ex mortuis: Nunc verò de primogenito omnis creaturæ sermo est, & ex ista phrasi argumentum ducitur, quod nec attingitur, nedum ut refutetur: imò per ea, quæ afferuntur, confirmatur. Nam non minùs ex eo, quod Christus primogenitus ex multis fratribus, & ex mortuis appellatur, sequitur, eum esse unum ex fratribus & mortuis, & proinde non Deum illum unum, qui pater est. Is enim fratres nullos habet, & mori non potest. Aperi autem oculos, quisquis es veritatis studiosus, & agnosce, quanta sit inutilitas responsionum adversariorum, ad leviter adversus eos instituta & directa argumenta, ut, quanta sit vis veritatis, tantò cognoscas rectitudinem. Falsum præterea est, Christum ob carnis nostræ cognationem, primogenitum ex multis fratribus, & eò, quod per eum & cum eo resurrectio mortuorum incipit, primogenitum ex mortuis appellari. Christus enim ob spirituales, quam nobiscum habet cognationem, primogenitus ex multis fratribus appellatur, ut ipsa verba indicat. Alioquin enim nō ex multis fratribus: sed ex omnibus hominibus dicendū fuisset. Primogenitus verò ex mortuis dicitur, quia primus ipse ex mortuis ad vitam immortalē pervenerit. Resp: verò Scho:, & argumentum obiectum non tangit.

Argumentum.

Responsio Athanasii.

Additio Schop:

Refutatio responsionis Athanasii.

Christus cur primogenitus ex fratribus.

Refutatio Responsionis Schop:

& per ſe falſa eſt. Nihil enim cum ſacerdotio Chriſti ſpiritali commune habet, id quodd is primogenitus eſt omnis creaturæ: Regnum vel rō ipſius, quod in nos habet, de notatur quidem hac locutione, ſed non ſolum. Nec enim omnis creaturæ nomine ſoli homines continentur, ſed & angeli, iiq; tam mali quàm boni. Ad hos enim omnes creatio per Chriſtum facta, de qua Col. 1., catenus ſpectat, quatenus Chriſtus ipſorum Dominus effectus eſt.

Argumentum 4.

Argumentum (numero quartum), quod ex loco Eſa: formaffe Arianos ait Schopp. hoc modo: Ego ſum Deus & non eſt alius. Ergo tantum unica eſt perſona Divinitatis (non in Trinitate, ut inconsideratè loquitur Schopper. nam quomodo in Trinitate una tantum eſt perſona, cum Trinitas ipſa plures neceſſariò ſignificet) quanquam nos nō urgemus iſto modo, ineptiſſimè tamen ſolvitur ab Athanaſio, dum

Reſponſio.

th: 54 dicit Schop: *Deus per verbum ſuum locutus eſt. Non igitur verbum iſtis excluditur. Sicut enim dicto Prophete: Ego ſolus extendi cælos: per particulam ſolus verbum ſeu filius non excluditur: cum de ipſo etiam dictum ſit, ſine eo factum eſt nihil: Quare nec ſimilibus particulis excluditur, ſed in uno, ſolo, primo, conſignificatur & cointelligitur verbum.* O reſponſionem acutam. Sed ſinamus acumen, modò ſit veri aliquid. At nec huius mica eſt. Deus, inquit, per verbum ſuum locutus eſt. Quid tum poſtea? Num, ut Chriſtus eſt verbum Dei, ſic omne verbum Dei eſt Chriſtus? Atqui ſuprà demonſtravimus, verbum Dei ſæpiſſimè juſſum & decretum illius ſignificare. Veriſſimum igitur eſt, voce *ſolus* excludi omnes, quicunq; ſunt extra Deum & ejus perſonam, & ita excludi ab extensione cælorum Filium, ut excluditur a Deitate. Quod verò Iohannes ait, *ſine ipſo nihil eſt factum*, id ad creationem nihil pertinet. Eſt enim ibi vox *γενεσθαι*. Fieri autem multa poſſunt, quæ non ſunt creata: Et additur mox, *quod factum eſt*, ut appareat, de rebus certis factis ſermonem eſſe. Et deniq; tantum indicatur, alium quem aliquid feciſſe, quod Chriſtus in perſona ſua non fecerit, nec tamen ſine ipſius opera & auxilio factum ſit. Id autem eſt, quod Apoſtoli ad Evangelium complendum fecerunt. Hoc enim non per Chriſtum factum fuit, nec tamen ſine Chriſto.

Argumentum 5.

Quintum argumentum eſto. Solus Pater eſt verus Deus. Ergo nō filius. Antecedens probamus loco I. Cor. 8. 6. *Et ſi ſint, qui dicuntur Dii, ſive in cælo ſive in terra (ſicut ſunt multi Dii & Domini multi) ſed nobis unus eſt Deus, pater ille, ex quo omnia, & nos in illum.* Et illo Ioh. 17, 3. *Hæc eſt vita æterna, ut cognoscant te, ſolum illum verum Deum.* Reſpondet ex Athanaſio theſi 55. Schopp. Atqui iſta cum primis verbis per cōjunctionem, *Et, coherent, neq; quæ ſequuntur, inde dirimenda ſunt, &*

Reſponſio.

conſtanter

constanter apud recte sentientes in confesso est, ambas partes Dominicæ vocis copulari debere. At quid istud ad rem? Nonne enim sequentia, & quem misisti Iesum Christum, cum præcedentibus coherere possunt, & tamen verum manere, quod pater solus sit verus ille Deus? Cohærere, inquam, possunt, quatenus parum est sub novo Fœdere ad consequendam vitam æternam, cognoscere patrem, qui solus est verus ille Deus, sed præterea requiritur, ut etiam cognoscatur Iesus Christus, quem ille misit: vel quasi copulatis partibus vocis Dominicæ, sequatur, Iesum Christum esse illum verum Deum, quod nullo modo verum esse potest. Cum enim pater solus sit verus Deus, aut Christus pater erit; aut quia pater nō est, verus ille Deus esse nō potest. Sed quid habet amplius Schæ. Audi, inquit, ut puto ex Athanasio, scriptam demonstratorem: scimus quod filius Dei venit, & dedit nobis intellectum, ut cognoscamus verum Deū, & sumus in vero ejus filio Iesu Christo. Hic est verus Deus & vita æterna. Jamné animadvertis, easdem voces de Patre & filio proferri, æqualiter Patri & filio Deitatem imputantes. At demonstratio ista multipliciter erronea est. Nam Græcus textus lôgè aliter habet, nempe sic: Et sumus in illo vero, in filio ejus Iesu Christo. Hic est verus Deus et vita æterna. & sic etiam Lutheri versio habet. Præterquam quod nullo modo constat, vocem *Hic* ad proximè ante nominatum antecedens referendū esse, cum novum non sit, istiusmodi relativa ad remotiora spectare, ut inter alia exempla hæc pauca docent. Act. 4, 11. *Hic est lapis* &c. cum tamen proximè ante infirmi hominis mentio facta esset, in hoc iste astat coram vobis sanus. Et 7, 19. *Hic circumveniens*, &c. quod ad regem alium, non ad Iosephum proximè nominatum referendum est. Et 10, 6. *Hic diversatur apud quendam simonem coriarium, cui est domus juxta mare. Hic dicit tibi quid te oporteat facere.* Vbi vox *Hic* posterior non ad coriarium proximè ante nominatum, sed ad Petrum remotius nominatum referenda est. Sed & ipse Iohannes exemplum hujus rei præbet, ep. 2. v. 7. *Quoniam multi seductores ingressi sunt in mundum, qui non consentiunt Iesum Christum, qui venit in carne. Hic est seductor & Antichristus.* Vbi nemo non videt, vocem *Hic* ad remotiora referendam, etiam nemo, ad quem directè referri possit, nominatus sit eodem numero. Et sanè nimis contortum foret, dicere, Iohannem Christum appellare verum illum Deum, quem filium illius Dei veri appellarat. cum nemo sui ipsius filius esse possit; & de quo dixerat, quod venerit, & Deum illum verum nobis patefecerit. Quis enim est Deus ille, quem Christus patefecit, præter patrem? Ego, inquit Christus ad Patrem, nomen tuum hominibus manifestavi. Quanquā etiam alia ratione ad id responderi potest, ut scilicet vox *Hic* nec ad Patrem nec

Refutatio.

Responsionis confirmatio.

Refutatio illius.

Relativa interdū ad remotiora pertinent.

Ioh. 17. 6. Observatio de usu pronominum substantivorum.

Matth: 3. 38.

Ioh: 17. 3.

ad filium referatur. Videmus enim alibi etiam, pronomina ejusmodi substantiva, quando construuntur cum verbo substantivo, non convenire in genere & numero cum subjecto & prædicato. Ut *Bonum autem semen hi sunt filii regni*. Ibi enim vox *hi* nec numero nec genere cum subjecto, quod est *semen bonum* convenit, sed cum prædicato *Filii regni*: & alibi. *Hæc autem est vita æterna* &c. ubi similiter pronomen *hæc* convenit in constructione cum *vita æterna*, quæ fœminini generis est, cùm tamen id, quod Christus dixit esse vitam æternam, nullo modo sit fœminini generis, sed secundum grammaticam per pronomen neutrius generis exprimi possit. Itaq; hoc in loco etiam intelligendum est, isto pronomine referri totum illud quod præcessit, & tamen genere masculino pronomen illud esse prolatum, ut secundum grammaticam conveniret cum eo, quod statim subjicitur, & prior pars totius prædicati est, nempe cum, *ille verus Deus*. Sensus autem est: in eo, quod diximus, est verus ille Deus & vita æterna. Nam quatenus quis cognoscit Christi Patrem, & ipsum Christum, cujus rei antea mētio facta fuerat, habet & illum verum Deum, & vitam æternam. Illum quidem verum Deum, quia Christi Pater est ille verus Deus: vitam autem æternam, quia illa a Christi Patre per ipsum Christum in nos proficiscitur. Sed adhuc habet aliud Schopperus ex Nazianzeno, qui sic ait: *Mea est sententia, illud cognoscant te solum verum Deum*, ad eos, qui cum Diis dicantur, tamen non sunt, tollendos valere. Alioqui si Christo ex adverso responderit, adjectum non esset, *Et quem misisti Iesum Christum*. Videtur Schopperus maluisse aliorum, quàm suis uti responsionibus, ut ipse extra aleam positus, videret, quid aliis futurum esset. Quàm calva enim, quæso, hæc est sententia Nazianzeni? Certum est, ista verba valere ad tollendos falsos Deos: sed interim non sequitur, eos non valere ad tollendos omnes alios, quicunq; sunt extra illum Deum Patrem. Quis enim tunc cogitabat, talia monstra opinionum exitura, ut is, quem Deus ille verus pater misit, pro ipso vero Deo haberetur? Quæ verò addita sunt, *Et quem misisti Iesum Christum*, tantùm doceant, Christum non excludi a cognitione ad vitam æternam necessaria, nō verò non excludi a Deitate illius veri Dei. Nec enim dictum est, *Hæc est vita æterna, ut tantùm te cognoscant*: sed dictum est, *Hæc est vita æterna, ut cognoscant te, qui solus es verus Deus*. Potest igitur admitti alius ad cognitionem Dei: ad divinitatem verò, qualis est illius veri Dei, nempe naturalis, nemo prorsus. Iam enim non solus Pater esset verus Deus, si alii etiam præter illum, eadem prorsus divinitas eodem modo competeret.

Argumentum 6.

Sextum argumentum est. *Deus fecit Iesum, Christum & Dominum.*

Ergo le-

Ergo Iesus non est ille unus Deus. Respondet thesi 56. Schopp: cum Bafilio & aliis Patribus, Peti um non loqui de divina natura Christi, quasi secundum illam sit factus Dominus, cum secundum illam sit Dominus genitus ex substantia Dei Patris ab æterno: Verum loqui de Christo secundum ejus humanam naturam, secundum quam ipsum Deus Pater per exaltationem fecit Dominum omnium creaturarum. Sed isto modo non docti disputant, qui cum aliis de rebus controversant, sed ita magistri dictitant, penes quos rerum summa est, quales nos præter Apostolos nullos agnoscimus, nec etiam agnoscit Schopperus. Hæc scilicet est veritatis vis, ut, nisi principium crassè tandem petant adversarii, obmutescere eos turpiter oporteat. Sed admissio etiam isto duarum naturarum commento, falsitas tamen tegi nequit. Quæro enim, quid opus fuit post resurrectionem demum & ob præstitam patri obedientiam Christum & Dominum, fieri Iesum, cum ab ipso conceptionis momento ipse Deus fuerit ex mente adversariorum? Quæro iterum, quid opus fuit a Patre Iesum Dominum & Christum fieri, cum ipse Christus id præstare potuerit, vel potius non potuerit non præstare, si idem ipse Deus fuit? Quia verò certo tempore, nempe post resurrectionem, & certa de causa, propter obedientiam scilicet, Iesus ab alio, nempe Patre suo Dominus & Christus factus est, hinc infallibiliter sequitur, Iesum nullo modo Deum illum unum esse.

Responsio.

Refutatio.

A 2. 2. 16.

Phil: 2. 9.

Septimum argumentum esto: *Quod gignitur, posterius est gignente. Sed filius est a Patre genitus. Ergo posterior est Patre gignente. Respondet th: 57. ex Hilario Schop: 1. Abjiciendas esse has tortuosas quæstiones & fidem spectandam. Ergo tortuosa est quæstio, dum impugnatur, æterna Christi generatio, non tortuosa, cum affirmatur contra Verbum Dei & sanam rationem? Nusquam enim Scriptura disertè testatur, Deum generasse filium ex sua substantia ab æterno: Sana autem ratio id non permittit. Essentia enim Dei, ut nec multiplicari, nec in partes dividi potest, omnium consensu: ita nec tota communicari potest. Iam enim non esset numero una. At fides, ait, spectanda est. Quæ verò fides? Proferantur testimonia, producantur rationes, & habebit fides, quo nitatur. Nam absq; testimoniis sacrarum literarum, & absq; rationibus fides nulla est. At ait, aliud est nasci ex eo, qui non fuit, & aliud, ex eo nasci, qui semper est. Qui non semper pater est, non semper etiam genuit. Vbi autem semper pater est, semper & filius est. Aliud esse nasci ex eo, qui non semper est: & aliud, nasci ex eo, qui semper est, nulla ratione comprobavit Hilarius. Tam enim ad nativitatem ex eo, qui semper est, requiritur, ut prior sit ille, qui generat, quam ad nativitatem ex illo, qui non semper est. Et nihil re-*

Argumentum 7o.

Responsio.

Refutatio.

Responsionis probatio.

Refutatio ejusdem.

fert, quòd pater ſemper eſt, ad conſtituendum, filium etiam ſemper fuiſſe, niſi doceatur etiam, eum, qui pater eſt ſemper, ſemper etiam fuiſſe, quatenus pater eſt. Eum autem, qui ſemper fuit, nempe Deum, qui etiam pater eſt, ſemper fuiſſe quatenus pater eſt, nemo unquam teſtatus eſt, quod tamen Hilarius affirmat. Deum enim eſſe, quatenus eſſentiam ſignificat in Deo illo uno, qui pater eſt, naturale eſt: At patrem eſſe, voluntarium eſt.

Deus non ſemper
fuit Pater.

Argumentum 8.

Reſponſio 1.

Refutatio.

Reſponſio 2.

Refutatio.

Ioh: 1. 13.

Quid ſit Filium
Dei ſicq. Ioh: 1.

Mat: 18. 35.

Luc: 17. 33.

Reſponſio 3.

Refutatio.

Reſponſio 4.

Refutatio.

Octavū argumentum eſto: Deus Pater Chriſtum excitavit a mortuis. Ergo Chriſtus ſeipſum non excitavit, & ſic non eſt unus ille Deus. Reſpondet theſ: 68. ex Epiphanio Schopperus. *Iam & filius potenti- am habet excitandi mortuos. Quis enim Lazarum, quis vidue filium in Nain, quis filium archiſynagogæ excitavit? Cuius nomen Apoſtoli invo- cantes mortuos ſuſcitabant?* Ego verò miror iſta tam puerilia a Schop- pero allata, & doleo, ea in tanto hominum doctorum collegio ap- probata fuiſſe. Quid enim ineptius dici potuit? Num is, qui alios ad hanc vitam temporariam excitare poteſt, ſeipſum etiam excitare poteſt? Ergo etiam Prophetæ & Apoſtoli ſeipſos excitare poſſunt, nam & hi mortuos ſuſcitarunt? Apage iſtas nugas. Audiamus alia. *De- inde Chriſt⁹ ipſe prædixit, ſe ſuā potentiā reſurrecturū die tertio, ſicut & clare inquit, poteſtatē habeo animā meā ponendi & recipiendi, (in Græ- co eſt, ſumendi vel accipiendi, eſt enim λαβῆναι.) Ioh: 10. At hæc phraſis poteſtatē habere animā accipiēdi, figurata eſt. Legim⁹ enim, quòd iis etiā, qui Chriſtū receperunt, in nomē ejus credunt & ex Deo nati ſunt, data ſit poteſtas, ut filii Dei fiant, hoc eſt, ut immortales evadant. nam alio modo ii, qui Chriſtum receperunt, in nomen ejus credunt, & ex Deo nati ſunt, filii Dei fieri non poſſunt, cū jam ſint iſto modo filii Dei, quo homines in hoc ſeculo eſſe poſſunt: Et tamen certo certius eſt, neminem fidelium potentiā ſuā reſurrecturum, ſed omnes in Chriſti adventu Dei virtute per Chriſtum eſſe reſuſcitandos. Simili loquendi modo tribuitur etiam fidelibus, quòd ſint animas ſuas ſer- vaturi & vivificaturi, quod majus eſt, cum tamen id ipſe Deus per Chriſtum factur⁹ ſit. Sed reſtat adhuc aliud: *Hæc phraſis, ait, Apoſtolus uſus eſt, ut oſtendat, nihil ſine voluntate Patris in ſalutis diſpenſatione factum eſſe.* At hæc eſt nuda etiam aſſertio, & procul omni dubio falſa mentis Pauli aſſertio; & etiam ſi eſſet veriſſima, ad rem nihil facit. Vis enim argumenti manet eadem. Denique & hoc addit Schopp: *Addo & hoc, quod Chriſtus Ioh: 5. dicit, ſicut Pater ſuſcitavit mortuos & vivifi- cat, ſic & filius quos vult vivificat.* At hoc non reſpectu Chriſti ſed populi ipſius dictum eſſe, quis non videt? Poteſt autem aliquis pote- ſtatem habere alios vivificandi, nec tamen ſemetipſum vivificare.*

Eſt enim

Et est manifesta contradictio in ista phrasi, semetipsum resuscitare. Nam qui resuscitat aliquem, is, ut vivat, necesse est: Qui verò vivit, quomodo mortuus est? Nec quicquam hinc valet commentum duarum naturarum. Christus enim quoad naturam mori non potuit, cum mori sit passio: passionem autem sint suppositorum vel personarum. Iam si suppositum vel persona Christi mortua est, quomodo Christus seipsum vivificare potuit, cum personæ sit resuscitare? Hi scilicet sunt labyrinthi, quibus se intricant ii, qui monstruosos errores magis amant quam simplicem veritatem. Præterea notandum est, verba Christi Iohan: 5. intelligenda esse de eo tempore, quo Christus jam immortalis effectus erat, etiamsi in præsentis tēpore prolata sint. Istæ enim temporum enallage usitatiores sunt, quam ut exempla earum afferre necesse sit. De tempore autem futuro intelligenda esse hinc constat, quod in iis ratio redditur rei futuræ post illud tempus, quando Christus ista verba dixit: *Pater diligit filium, & omnia demonstrat ei, quæ ipse facit, & majora his demonstrabit ei opera, ut vos miremini. Sicut enim Pater, &c.* Majora autem opera illis, quæ Christus in terris faciebat, Pater filio prius non demonstravit, hoc est, potestatem ea faciendi illi non dedit, quam cum eum a mortuis resuscitatum ad dexteram suam collocavit.

Seipsum vivificare contradictio est.

Verba Ioh: 5. de re futura intelligenda sunt.

Argumentum ex verbis Iohan: 5. *Nihil facit filius, nisi viderit Patrem facientem*, unde concluditur, filium a Patre discere, & sic minorem esse Patre, omittimus. Nam non isto modo nos argumentari solemus. Quamquam responsio Epiphaniæ valde puerilis est. Tantum enim suo more sententiam dicit, argumentum verò prorsus intactum relinquit. Quem modum respondendi, dum hodie etiam sequuntur nostri adversarii, ut infra apparebit, Patrum se quidem istorum similes esse produnt, interim verò causæ suæ & existimationi multum apud perspicaces detrahunt. Quis enim nisi mancipium, patlatur se trahi sola humana auctoritate in rebus ad salutem pertinentibus?

Nonum argumentum esto. Christus tradet regnum suum Deo & Patri, cum evacuaverit omnem principatum & potestatem & virtutem, & ipse subiectus erit Deo Patri. Ergo Christus non est ille unus Deus. Ascripsit ex Hilario responsionem talem Schopperus thesi 60. *Ante omnia querendum est, an finis apud Paulum significet defectionem, traditio amissionem, subiectio infirmitatem.* Negat autem finem significare defectionem. *Quia finis sit immobilis manēdi ad quem tenditur statum.* Traditionem regni negat esse amissionem, quia Deus etiam tradiderit omnia Christo, nec tamen iis, quæ tradidit, caruerit. Subjectionē negat significare infirmitatem, vel subjectionem tanquā servitutem

Argumentum 9.

Responsio 1.

virtutē Dominatui, sed significare ait dispensationem temporis & sacramēti. Evacuationē negat idē esse quod subjectionē. Nam evacuare, ait, adversantem potestatem, est jus potestatis auferre, ne maneat: & per potestatis evacuationem, regni est abolere dominatum, (sic habet Schopperus) & tandem sic concludit, Tradet ergo regnum Deo Patri, non utique tanquam tradens potestatem concedat, sed quod nos conformes gloriæ corporis sui facti regnum Dei erimus. Et hæcenus Hilarius. Cui responsioni suorū etiam Theologorū responsionē adjungit Scho: Paulum id velle: Deinde finis erit, scilicet mundanorum imperiorum & regnorum, quod scilicet post resurrectionem mortuorum nulli amplius imperatores, reges & principes sint regnaturi, cum Christus tradiderit regnum, scilicet modum gubernandi Ecclesiam per ministerium Verbi & Sacramentorum, quod scilicet post resurrectionem mortuorum nullo amplius opus erit ministerio Ecclesiastico: cum evacuaverit seu abrogaverit omnē principatum &c. id est, cum plenissimam victoriam contra omnes hostes suos, adeoq; etiam contra ultimum hostem, mortem scilicet, adeptus fuerit, tū Ecclesiam suam ab omni malo liberatam sistet patri suo cælesti, ut eum æternis laudibus celebret. Igitur Christus tunc non desinet esse Rex suæ Ecclesiæ, sed tantum modum regnandi mutabit: quod scilicet non amplius per ministerium verbi regnabit: sed tunc erit omnia in omnibus, ac electos suos æternæ suæ beatitudinis consortes efficiet: &c. Verba etiam. Tunc & ipsi filius subiectus erit ei, qui sibi subiecit omnia, ita explicat, id est, subiectus ei erit ratione carnis assumptæ, juxta quam etiam minor est pater, ut sit Deus omnia in omnibus, id est, filius Dei, de victis omnibus hostibus refocillabit suam Ecclesiam in vita æterna, ac omnia in omnibus erit, ut electi per ipsum æterna beatitudine fruantur. Ascripsi omnia Hilarii & Theologorum Schopperi verba, vel saltem sensum integrum, ut agnoscat benevolus & pius lector, quanta sit argumenti ex hoc loco ducti vis, quæ nullis nec veterum nec recentiorum Theologorum glossis ita obscurari potest, ut non semper ipsius splendor appareat. Et experti sumus hæcenus, stante sententiæ de Christi persona, quam sequuntur aduersarii, nullam ad hæc verba afferri posse explicationē, quæ non sit admodum ridicula, vel certè falsa. Vnde si quis alius locus sacrarum literarum, hic addetendum errorem circa personam Dei, quod sit ipse Deus unus, longè aptissimus est. Sed ad responsiones Hilarii. Mitimus autem ea, quæ de voce, *Finis*, & de verbis, *cum evacuaverit omnem potestatem* &c. dicta sunt. Nec enim planè constat, (quāquam alios ita sentire scio) vocem *Finis* ad finem regni Christi pertinere, cum ad finem negotii salutis non incommodè referri posse videatur. Subjungitur enim ista vox his verbis, quibus dictum fuerat:

primitias

Responsio 1.

Loci 1. Cor. 15.
robur ad evertendam
opinionem
de fidei divini
Christi natura.

Refutatio 1. responsionis.

primicias esse Christum, deinde eos qui sunt Christi, in aduentu illius, scilicet resurrekturos. Deinde finem futurum, nempe negotii illius salutis, cuius peragendi & conficiendi causâ Christus in mundum venerat & exaltatus fuerat. De quo tamen cordati lectoris iudicium esto. Verba etiam, *cum evacuaverit omnem potestatem* &c. non ad Christi, sed hostium illius potestatem, quam Christus tunc prorsus abolebit, referenda esse ipse Hilarius & Theologi Schopperi consentiunt. Hæc porro tenemus: Christus ita tradet regnū suum Deo & patri, ut subiectus ipse futurus sit ei, qui sibi subiecit omnia. Ergo Christus nō est ille unus Deus. Is enim nemini regnū suum ita tradet aut tradere potest, ut subiectus alicui sit. Quæ verò respondet Hilarius, *Traditio regni, nō est amissio*. Nam & *Pater omnia tradidit Christo, nec tamen omnia amisit*, ea nihil prorsus valent. Diversitas enim rerum, quæ traduntur, diversitatem etiam traditionis efficit. Sunt quædam, quæ licet alij tradantur, tamen non inferunt amissionem: sunt, quæ omnino inferūt. Ut, exempli causa, scientia, quæ in aliquo inest, tradi alteri potest, quatenus ei revelatur vel cum eo communicatur, nec tamen ulla ratione is, qui alteri eam revelat, vel cum eo communicat, amisisse illam dici potest: Domus verò vel tale quid, nulla ratione alteri ita dari potest, ut eam is non amittat, qui alteri eam largitur. Quando igitur Christus ait, omnia sibi tradita esse a Patre suo, de iis omnibus loquitur, quæ non possunt amitti ab eo, qui ea alteri tradit, nempe de scientia rerum divinarum, vel cognitione divinæ voluntatis perfecta, quatenus ad salutem nostram necesse est. Statim enim Christus addit, explicans quæ sint illa omnia, tradita sibi a Patre: *Et nemo supercognoscit filium nisi Pater, nec Patrem quis supercognoscit nisi filius, & cui filius voluerit revelare. Venite ad me omnes &c. discite a me &c.* At regni longè alia est ratio. Hoc enim in actione externa consistit, non in qualitate aliqua interna, & proinde deponi potest, ut in ipso Deo Patre videmus. De hoc enim dicit Christus, quod neminem iudicet, sed omne iudicium dederit filio, apertè & disertè docens, Patrem ab eo tempore, quo Christus in cœlos ascendit, in sua persona non gubernare populum suum. (hoc enim est iudicare, loquendi modo Hebraico.) quia scilicet Christum præfecerit domui suæ, per quem eam administrat.

De subiectione nihil respondet Hilarius, quod dignum sit refutatione. Tantū enim dicit, subiectionē significare dispensationem temporis & Sacramenti. Hoc verò quid est aliud, quàm principiū petere & nugari? Firmum igitur stat argumentum ex ea ductum. Sed respon-

sionibus ad argumentum nostrum expensis, expendamus etiam explanationes loci ipsius. *Finis erit*, ait cum Theologis suis Schopperus, sci-

Quenam traditio
amissionem efficiat,

Matth. 11. 27.

Ioh. 5. 22.

Refutatio explanationum huius loci.

licet mundanorum imperiorum. At nulla causa est, cur hujus potius rei, quam aliarum, quarum tunc finis futurus est, mentionem Apostolus faciat: imò causa esse videtur, cur in his verbis istius rei finis non includatur. Statim enim, postquam dixisset, finem futurum, addit inter alia, Christum etiam abolicurum omnem potestatem &c. atq; ita una eademq; res bis exprimeretur sine ulla necessitate. *Tradet regnum Deo & Patri*, ait Hilarius, est, nos conformis gloriæ corporis sui facti, Regnum Dei erimus. Sed quis unquam audivit talem locutionē: Nos regnum Dei futuros? cū potius legatur nos regni Dei participes futuros, ad quod vocati sumus. Præterea regnum Christi non soli homines censendi sunt. Nam & Angeli potissima ejus pars sunt. Quomodo verò regnum Dei erunt Angeli? Schop: porro cum Theologis ait: *Christum regnum traditurum, quia modum regnandi mutabit, qui sit per ministerium verbi & Sacramentorum*. Mitto nunc illud, quòd per Sacramenta Christus Ecclesiam gubernet, quod tamen falsissimum esse indico. Illud dico: Mutatio modi regnandi, non est traditio regni. Nam & is regnum retinet, qui modum regnandi mutat. Paulus autem ait, *Christum regnum traditurum*, ita scilicet ut finis ejus futurus sit. nam mox addit: *oportet enim regnare, donec ponat omnes inimicos sub pedes suos*. Vnde apparet, finem regni futurum, cū omnes inimicos sub pedes suos posuerit. Deinde non simpliciter dicit Paulus, *Christum traditurum regnum*, sed traditurum illud Deo & Patri. Vnde sequeretur, Patrem per verbum & sacramenta tunc gubernaturū Ecclesiam, siquidem id, quod per ea gubernabatur, traditum habebit, quod quàm absurdum sit, nemo non videt. Præterea ad regnum Christi pertinent non tantū homines pii, sed etiam impii, imò angeli etiam omnes. Ad hos verò, quomodo gubernatio per ministerium verbi & sacramentorum pertinet? Deniq; idem Paulus, qui dicit, *Christum regnum traditurum*, dicit etiam, ipsum filium subjectum futurum Deo. Subjectum verò esse & regnare contraria sunt.

Christum regnum suum traditurum, quia Ecclesiam liberatam ab omni malo, patri sistet, quod porro ait Schopperus, per ea, quæ paulò ante ad Hilarii explicationem attulimus, dilutum est. *Subjectum filium futurum*, quia ratione carnis assumptæ, juxta quam minor est patre, subjectus futurus sit, nonnè est putidum prorsus commentum? Nam & principium in eo turpiter petitur. cū, an carnem Christus assumptam habeat, & an juxta illam Patre minor sit, controversatur; & ipsum sese destruit. Certum enim est, Christū ratione carnis assumptæ semper fuisse patre minorem, & nunc etiam esse. Quomodo igitur dici potest, eum ratione illius futurum subjectum? Hæc enim verba Pauli præsupponunt,

ponunt, filium Dei nunc non esse subiectum ei, qui sibi omnia subiecit. Præterea dicitur tunc, *Et ipse filius subiectus erit*. Vnde collat similitudinem indicari subiectionis, quâ ipse filius subiectus erit, cum subiectione aliorum. Hæc enim vocis huius *Et*, vis est. Vide Rō. 8. 21. Illi vero alii, sunt illi omnes, de quibus mox addit, ut sit Deus omnia in omnibus. nempe fidelibus. Fideles autem non ita sunt futuri subiecti, ut natura eorum aliquando sit futura subiecta, sed toti, quanti quanti sunt, subiecti erunt.

Deum futurum omnia in omnibus, Schopperus cum Theologis de filio Dei intelligit, & cum omnia in omnibus futurum, ita explicat, quodd electi per ipsum æterna beatitudine fructuri sunt. Sed ineptissime hoc dicitur; nec ulla ratione probat Schopperus vocem Deus, hoc in loco Filium Dei significare, nec probare potest. Quandoquæque enim nomen Deus subiecti locum habet, semper Deus pater intelligitur, Christus vero nunquam. Præterea si de Christo vox ea accipienda esset, Paulus ipse sibi esset contrarius. Nam omnia esse in omnibus, contrarium est ei, subiectum esse alicui. Vnde quia Christus nunc est omnia in omnibus, subiectus patri non esse, sed subiectus futuro dicitur. Denique de re tali Paulus loquitur, quæ nunc nondum est in illo Deo. Ait enim, *ut Deus sit*, hoc est, ut Deus re ipsa fiat, *omnia in omnibus*. At Christus nunc est omnia in omnibus. Itaque non est opus, ut sit olim omnia in omnibus. Vide iterum benevole & cordate lector, quanta errorum in unius loci explicatione farrago, in quos tamen non omnes accuratè animadversum est, ut hinc perspicias, locum hunc prorsus non ferre istam de Christo sententiam, quam hodie plerique sequuntur, quod scilicet sit ille unus Deus.

Dices, quæ igitur tua est de hoc loco sententia? Hanc exponere, etiam si nullo jure tenear, exponam tamen publici commodi causâ. Tempus erat, cum solus Deus regnaret in cælis: Hic ad regni sui consortium admisit lesam Christum, tunc quando eum a dextris suis collocavit, tum ut divinam suam perfectè manifestaret gloriam, tum ut perfectissimam hominibus sibi confidendi præberet occasionem. Regni Christi tanta est perfectio, ut Deus, quodd ad Ecclesiam attinet, jam non in sua persona regnet. Pater enim neminem judicat: sed Christus est nunc omnia in omnibus, & omnia in omnibus implet, & loco Dei regnaturus est, usque ad illud tempus, quando omnes fideles beata immortalitate donabit. Hoc factò, regnum, quale nunc Christus administrat, cessaturum est. Nam populum suum nec gubernabit amplius, nec servabit, ut nunc facit, ut pote qui unâ cum illo beatus futurus est. Christus etiam ipse subiectus erit, ei qui sibi omnia subiecit, quatenus

Quando vox DEI
Patri competat,

Ephes: 1. 23.
Col: 3. 12,

Sententia loci;
1. Cori 15.

is, qui nunc unâ cum Deo regnat, & eatenus non subiectus est, isto modo, quo nunc regnat, regnare desinet. Regnabit autem Deus de novo, nempe non per aliû, sed in sua persona (quod est esse omnia) super omnes, hoc est, tam super Christum quàm super fideles. Regnabit etiam Christus. nam fideles cum illo regnabunt: Sed modus ille regnandi, licet futurus sit longè beatissimus, non est tamen futurus similis ei, quo nunc Christus regnat super angelos & homines & omnia quæcûq; sunt extra Deum, ut ipsa res loquitur. Et licet inter omnes fideles Christus futurus sit excellentissimus, quia tamen illi unâ cum eo regnabunt, subiecti ei non erunt, ut etiam Christus nûc, quandiu regnat, patri suo subiectus re ipsa non est. Hoc est illud admirandû nostræ salutis mysterium, quod falsa de Christi persona opinatio prorsus ex animis hominum evulsam cupit. Deo autem est laus, qui nobis oculos mentis aperuit ad ea cognoscenda, quibus homini mortali nihil desiderabilius esse potest.

Argumentum 10.

Decimum argumentum esto. Christus est exaltatus & accepit adorationem in tēpore. Ergo non est unus ille Deus. Respondet Schopperus thesi 61. ex Athanasio. *Quomodo illud accepit, quod semper habuit, antequam acciperet? aut quomodo exaltabatur, qui, priusquàm exaltaretur, altissimus erat? aut quomodo accepit, ut adoretur, qui antequam hoc acciperet, semper adorabatur?* Admittimus istam consequentiam. Sed negamus assumptionem, Christum semper habuisse, quod accepisse dicitur, altissimum item & adoratum fuisse semper. Quid hic respondet Athanasius? *Non est ænigma, ait, sed mysterium divinum: In principio erat verbum, & verbum erat apud Deum, & Deus erat verbum. Post modo autem in gratiam nostri Deus caro factus est.* &c. quorum summam tandem ipse Schopp. talem facit. *Ex quibus verbis elucescit, quòd D. Athanasius loca s. scripturæ de acceptis & datis in tempore, item de exaltatione intellexerit de Christo non secundum ejus divinâ, sed secundum humanam naturâ.* Digna sanè tum Athanasio tum Schopp. pero responsio. Ergo, quia non ænigma sed mysterium divinum est:

Refutatio.

In principio erat verbum &c. Christus fuit altissimus & adoratus semper, & omnia semper habuit. Hæc verò, quàm sint ab omni verò aliena, alibi a nobis fusillimè demonstratum est, tum in homiliis super hunc locum, tum in refutatione libelli M. Smigleccii Iesuitæ, cui titulus est, *Verbum caro factum est.* Vbi docuimus: Neminem ante Iesum, natum ex virgine, esse illum sermonem Dei: hunc fuisse in principio, non omnium rerum, sed Evangelii: hunc fuisse, in illo scilicet principio Evangelii, apud Deum, quia vel re ipsa ad Deum in cœlos ascendit, vel quia Deo tunc soli notus fuerit. Et hinc potius concludi, sermonem

monem illum non esse ipsum Deum unum, quia apud Deum fuerit. Deus enim unus apud Deum nunquam fuit: & si Iohannes antea dixisset, sermonem fuisse ab æterno, non opus fuisse addere, quod apud Deum fuerit. cùm hoc ex illo consequatur necessariò, nec ab æterno quisquã esse possit, nisi apud Deum. Hunc porrò sermonem Deum esse, non ob naturam sed ob munus. Nam si ob naturam Deus appellaretur, essent duo naturâ Dii: Et si ante dictum fuisset, sermonem esse ab æterno, jam non opus fuisset dicere, eum fuisse Deum. Nam quod ab æterno est, & persona est, non potest esse nisi Deus. Sermonem verò vel Deum illum carnem esse factum, docuimus a Iohanne non dici: sed contra dici, sermonem illum, quem ob munus Deum appellaverat, carnem fuisse quoad naturam, ne scilicet quis ob tot & tanta Sermonis encomia alius eum naturæ esse crederet, quàm ejus, de qua Matthæus & Lucas prolixè scribunt, nempe humanæ, dum ejus conceptionem & nativitatem tam accuratè persequuntur. Ad quæ lectorem jure remittere possumus, quia nullo argumento Athanasius ostendit, quomodo ex verbis Iohannis, ista, quæ probanda ipsi erant, vel per speciem consequantur. Alterum verò, quod tanquam summam Athanasii dictorum Schopperus repetit, nonnè est ista crassa adversariorum fallacia, quâ, quod in principio est, impudenter petunt? Quæstio est, an Christus habeat divinam naturam. Negatur ea a nobis, tum alias ob causas, tum quòd Christus exaltatus sit a Patre & ab eo adorationem acceperit. Respondent nobis aduersarii: Exaltatum eum esse & accepisse adorationem, non secundum divinam, sed secundum humanam naturam, quod est vel alios ludificari, vel desperationem causæ prodere.

Afferit præterea Schopperus, quid super hoc dictum Christi. *Omnia mihi tradita sunt a Patre*, ex quibus invictum etiam argumentum ejus, quòd Christus non sit unus ille Deus, peti potest, idem Athanasius scripserit. Sed verba Athanasii tantum vel convitium sunt, vel nuda erroris assertio, refutationis verò in ea ne minimum apparet vestigium. Ait, sectatores hæreseos Ariana istud non intelligere, & in Dominum impiè agere dum ita argumentantur: *Omnia a Patre tradita sunt Christo*. Ergo fuit quando non habebat: & ait, ex illo ipso dicto magis illorum insaniam refutari. Hoc, inquam, est convitari adversarium, non refutare. Addit porrò: *Quapropter impiorum sententia vana & inutilis est*. Neque enim ut sentiunt res ita se habet, sed sub iis verbis, dispensatio rerum per carnem gerendarum significatur. Hoc, dico iterum, est & convitari, & sententiam nudè dicere. Quod utrumque ad refutandum adversarium nihil valet: Eum verò, qui ita

Refutatio aliorum
quorundam di-
ctorum Athana-
sii.

ſe gerit, & a pietate & veritate deſtitutum eſſe, teſtatur. Hic jam miſiſ argumentis Arianorum veterum, Schopperus recentium etiam quædam recenſet, quæ unde de præſerite quidem nescio. Non malè autè ſuæ exiſtimationi & noſtro etiam & aliorum commodo conſuluiſſet Schopp: , ſi locum, ubi ea ſcripta extant, annotaſſet. Solent enim rarò argumenta noſtra fideliter recitare adverſarii, & magis argumenta noſtra reſponſionibus ſuis, quàm reſponſiones argumentis accommodant. Sed videamus tamen quænam ſint iſta argumenta, & quænam eorum ſolutiones.

Argumentum 1.
recentiorum.

Reſponſio Sch:

Refutatio.

1. Argumentum eſt th: 63. Deus eſt ens primum, perfectum, immutabile, a nullo pendens, per ſe ſufficiens. Sed filius pendet a Patre, quia ab illo eſt genitus. Ergo non eſt verus, hoc eſt, unus vel ſummus Deus. Sic enim ſemper vocem *verum* accipere necesse eſt. Reſpondet Schop: ad Minorem: *In rebus humanis ita eſt conſtitutum, ut genitus a genitore pendeat, & per ſe non ſit ſufficiens. Sed in rebus divinis eſt alia ratio.* Ergo alia eſt veritas Philoſophica, alia Theologica, & falſum aliquid erit in Philoſophia, quod verum eſt in Theologia, & viceverſa? O brutam religionem. Sed audiamus probationem. Nam ibi, ait, *Filius non ita a Patre gignitur, ut ab eo pendeat, id eſt, ut per ſe nõ ſit ſufficiens ὁπῶς αὐτὸν, ſed per ſe ſubiſtit, nec a Patre ſuſtentatur.* At hæc non eſt ratio, ſed ſimplex ſententiæ veſtræ recitatio. Ratio autem ſuadet cõtrarium. Semper enim id, quod ab alio producitur ab eodem dependet. Audiamus reliqua: Nam illa generatio Filii Dei eſt æterna, ut ibi non ſit prioritas temporis: ſed ſicut eſt Pater æternus, ſic etiam filius eſt æternus. At hoc eſt principium petere. Nunc enim de eo ipſo quaſtio inſtituta, & argumentum propoſitum eſt, quod pro reſponſione affertur. Sed reſtat ratio: *Si filius non ſit æternus, nec Pater eſſet æternus, quia Pater eſt reſpectu Filii.* At hæc ratio ſupra ex Hilario allata fuerat ad argumentum ſeptimum. Imò hoc ipſum argumentum ibidem reipſa tractatum fuerat. Cur igitur idem otioſè repetit Schopperus? Dicimus autem iterum: Scripturam nuſpiam Deum, æternum Patrem appellare. Eſt quidem Deus is, qui Pater eſt, æternus: ſed quatenus Pater eſt, tam æternus non eſt, quàm creator æternus non eſt, etiam ſi is, qui creator eſt, æternus ſit.

Argumentum 2.

Reſponſio Sch:

Refutatio.

Argumentum 2. eſt theſi 64. Quicumque generatur, necesse eſt ut incipiat eſſe. Sed filius eſt generatus. Ergo fuit tempus quo cœpit eſſe. Reſponſio eſt. *Hæc argumenta omnia ſunt deducta ex ratione humana, ubi fieri ſolet, ut generatus modò a generatione incipiat eſſe. Sed generatio filii Dei non eſt temporalis, ſed æterna: ideo etiam non in tempore cœpit eſſe, ſed habet ſuum eſſe ab æterno.* En habes legitimam & ſolidam argumenti ſolutionem, ſimilem proſus antecedenti. Ergo etiam ex iis,

am ex illis, quæ modò diximus, quid de illa sentiendum sit, collige. Me quidem pudet istarum aniliū responsionum, & nisi aliter se gerant adversarii, hoc ipso omnes, qui aliquid sapiunt, a se & opinione sua brevi deterrebunt. Meminerit autem lector eorum, quæ suprà ab initio ad thesin 9, 10, 11. annotavimus. Ibi enim ex ratione humana argumenta affert ipse Schopperus: hinc ex eadem ratione deducta rejicit.

Argumentum 3. est thesi 65. In æternitate non est prius aut posterius. Sed in generatione filii Dei est prius & posterius. Pater enim genuit, quod est prius: filius est genitus, quod est posterius. Ergo illa generatio non est æterna. Responsio Schopperi est: *In rebus humanis ita habet, ut genitor sit prior & genitus posterior. Sed in divinitate alia est ratio. Nam hic non licet imaginari aliquod tempus, quo filius genitus non simul cum Patre fuerit: sed sicuti Pater est æternus.* Asscripisse ista, satis est ea refutasse. Nam primum verbis tantum hoc argumentū differt a præcedentibus, re ipsa verò idem est cum illis. Deinde responsio non tantum re ipsa, sed verbis etiam, una est cum præcedentibus. Quorsum igitur tempore & lectore abutimur? Principium pertinaciter petere, non est argumentum solvere. Generationem in essentia divina dari negamus: Deum ab æterno generasse filium, nusquam extare contendimus: tempus & modum alius generationis filii Dei ex sacris literis ad oculum ostendimus. Quomodo igitur nobis generatio ex essentia Dei, eaquæ ab æterno tam importunè obtruditur? Exemplum solis & radiorum, qui simul cum sole essent æterni, si sol esset æternus, nihil huc facit. Nec enim Deus ita sine filio esse non potest, ut sol sine radiis esse non potest naturâ. Cùm Deus esse possit, etiam si Pater non sit: aut doceatur contrarium, Deum scilicet semper Patrem fuisse, quod nunquam futurum persuasissimum nobis est.

Argumentum 4. est thesi 66. Omnis generatio, postquam productus est terminus illius, quiescit. Sed æternæ generationis (secundum adversarios) terminus est λόγος. Ergo postquam productus est λόγος, quieviit illa æterna generatio. Responsio Schopperi est: *Hoc argumentum etiam ex rebus humanis est mutuatum, in quibus generatio facta tandem quiescit. Sed in Trinitate alia est ratio, quòd scilicet illa generatio Filii Dei æterna, non temporalis.* Sic scilicet argumenta solvuntur: sic adversarii refutantur, & ab errore suo retrahuntur. Si generatio filii Dei nondum est facta, sed adhuc fit, ergo nondum est filius Dei generatus, sed tantum adhuc generatur. Cur igitur dicitis: Deus genuit filium, & non potius, Deus gignit filium? Imposturæ sunt istæ, quibus humanum genus is fascinauit, qui omnis mendacii autor est, connivente Deo, & hac ratione de hominibus,

Argumentum 3o

Refutatio Schø

Refutatio

Argumentum 4o

Responsio Schø

Refutatio

quibus

quibus simplex veritatis oratio non aridebat, supplicium grave quidem sed iustum sumentem.

Argumentum 5.
fictitium.

Argumentum 5. facit thesi 67. Si filius est coeternus, non poterit suum esse & durationem a Patre accipere. Sed est coeternus secundum Trinitarios. Ergo non potuit suum esse, & durationem a Patre accipere. Hoc argumentum illo modo formatum pro nostro non agnoscimus. Nec enim nobis propositum est probare, Christum non potuisse suum esse & durationem a Patre accipere, sed potius, quia esse suum a Patre accepit, hinc, cum non esse illum Deum, qui Pater est, validissimè evincimus.

Argumentum 6.

Argumentum 6. facit thesi 68. Hypostasis $\tau\epsilon\lambda\omicron\gamma\alpha$ vel erat in Patre, cum generaret $\lambda\omicron\gamma\omicron\nu$, vel non erat. Si erat, ergo est una persona Patris & Filii. Sed & hoc argumentum mutilum est, quanquam rectè formatum, verissimum sit. Resp: verò Schop: aliud nihil est, quàm ipsius cantilena, quam eadem chorda oberrans ad ravim usque iterat, nempe petitio principii. Sic enim ait: *Respondeo: Filius est in Patre per identitatem essentiae, non autem per identitatem personae. Pater & $\lambda\omicron\gamma\omicron\nu$ habent unam communem essentiam, sed non unam $\psi\pi\acute{o}\varsigma\alpha\sigma\iota\nu$ vel personam. Nam Pater est persona gignens, $\lambda\omicron\gamma\omicron\nu$ persona genita. Quae ita ascriptissimè, satis etià est ad ea refutanda. Nam qui sic respondent, ii, quod rectè respondeant, non habent. Ratio docet: Tot esse essentias, quot sunt personae, cum persona nihil aliud sit, quàm essentia individua intelligens: Schopperus verò essentiam a persona distinguit. Essentia Dei numero una est, & ut sit, necesse est: Schopperus verò ait, eam esse communem. Quod commune est, numero unum non est: Quod numero unum est, commune esse nequit. Persona est gignens Pater, genita filius: Sed nec Pater ex essentia gignēs, nec filius ex essentia Patris genita persona est. Generavit enim Deus filium suum ex virgine Maria. Quid igitur respondit Schopperus?*

Argumentum 7.
Parum rectum.

Argumentum 7. facit: Mediator medius est inter personam offendentem & offensam, nec altera earum potest esse mediator. Sed persona offensa est Deus Israelis, qui unus est: & mediator est Christus. Ergo Christus non est ille Deus Israelis. Et hoc argumentum ita formatum nostrum non est. Nos enim Deum personam offensam esse nusquam dicimus, sed si ita loquimur, ex mente aduersariorum id facimus. Videamus autem, quid ad illud respondeat Schopperus. *Quod ad Christum attinet, is secundum Deitatem etiam est persona offensa, scilicet nostris peccatis: Sed jam ita conventum est in consilio S. Trinitatis, ut media persona, Filius Dei, assumpta carne fieret Mediator generis hu-*
mani, ac

Responsio.

imò paucissima. His firmiter stantibus & retentis, etiamsi tandem quis multa clarissima vel non intelligat, vel eise opponat, vel etiam de illis dubitet, & catenus ea neget, salutem alicujus periclitari simpliciter dici nequit, quantumvis eum graviter & turpiter errare, jure dici possit.

Sed pergamus cum Ravenspergero discurrente: *Personam Christi*, ait, eos impugnare, qui vel ejus humanitatem vel divinitatem oppugnant. Hoc probandum erat. Non enim personam, sed naturas Christi isti impugnant. Personam autem Christi is tantum impugnaret, ex mente Ravensp., qui negaret, eum esse divinam personam. nam talis tantum est Christus ex mente illius: Ex mente autem nostra & ipsius veritatis, is personam Christi impugnat, qui negat, eum esse personam humanam. Talis enim tantum est & esse potest Christus. Homo enim nemo sine persona humana esse potest. & si subjectum aliquod sit persona humana, jam persona divina idem esse non potest. Sic Ravensp., quicquid civilis est, pronunciavit. De illa, ait, Iohannem dicere Iohan. 4. 3. *Quicumque Spiritus non profitetur* (Iohannes ait: omnis spiritus qui non confitetur) *Iesum Christum in carnem venisse, ex Deo non est.* Sed (Iohannes habet, Et) *hic est* (Spiritus) *Antichristi.* Mox verò de suo addit Ravenspergerus, idq; literis majusculis: *Iesus venit in carne, hoc est, verus æterni Patris Filius, idemq; verus Deus homo est factus, non mutatione divinitatis, sed assumptione humanitatis, ut in humana natura fieret victima, expiaretq; peccatum & placaret iram Dei.* Concludit tandem: *& hunc Iesu in carnem adventum Sociniani negant, cum eum non incarnatum, sed solum hominem ex Maria virgine natum scribunt.* Vereor, ut errores, quos hic insar sit Ravensp., omnes enarrare, nedum examinare possim. 1. Verba Iohannis non secundum veritatem græci textus citat, sed secundum vulgatam, quã vocant, vel alios, qui eam sequuntur. Verba enim græca sic cõvertenda sunt: *Omnis spiritus, qui nõ confitetur Iesum (esse) Christum qui in carne venit*, est enim, *ὁ πᾶσι ἐκκλησίου*, ex Deo non est. Differunt autem in *Carne venire*, & in *Carnem venire*. Nam qui in carne venit, cum tunc, cum venit, carnem habere præsupponitur. nam in eo, quod quis non habet, nemo venire potest: Qui verò in carnem venit, cum quidem antea extitisse præsupponitur, quàm in carnem veniret, sed sine carne. Quod quia sentiunt adversarii, idè scripturam, quæ sponte sua illis non favet, faventem sibi per summam vim, ne dicam scelus, facere conantur. Quæ una est ex artibus, spiritus illius maligni, quibus hodiè omnes ferè errores nituntur, nempe non opiniones ad sacras literas, sed literas sacras ad suas opiniones accommodare. Talis ars est

Quid sit Christi personam negare.

Errores Ravensp.

Viriositas versuum in locis singularibus.

Ioh: 1. 14.

Heb: 2. 16.

Ioh: 8. 58.

illa: Verbum caro factum eſt, cū legendum eſſet, Verbum caro ſu-
it: Talis illa: Non enim angelos aſſumſit, ſed ſemen Abraham aſſumſit.
cū legendum eſſet neceſſariò, Aſſumit, aſſumit. Talis illa: Antequā
Abraham fieret, ego ſum, cū legendum eſſet, Amen Amen dico vo-
bis priuſquam Abraham fiat, ego ſum. Sed laus eſt Deo, qui iſtas artes
nobis detexerit. Deinde iſtorum verborum ἐν σαρκὶ ἐληλυθότα

talis translatio, *In carnem veniſſe*, ſenſum Apoſtoli prorfus pervertit.
Nam ex ſubjecto vel ſubjecti additione, facit prædicatum, quaſi ſci-
licet is ſit ſpiritus Antichriſti, qui negat, quòd Ieſus Chriſtus in carne
venerit, quo nihil ineptius dici poteſt. Conſtat enim, poſſe aliquem
conſiteri, quòd Ieſus Chriſtus in carnem venerit, & tamen eſſe Anti-
chriſtus, etiamſi tandem verum eſſet, in carnem veniſſe, eſſe, Incarna-
tum eſſe. Nam conſeſſio incarnationis Chriſti efficere non poteſt, ut
aliquis non ſit Antichriſti ſpiritu infectus. cū multa alia eſſe poſſint,

Non omnis error
Antichriſtū con-
ſtituit.

ob quæ verè & propriè ſpiritus Antichriſti accuſari quis poſſit. Non o-
mnis enim error Antichriſtum conſtituit, ſed is demum, qui vel ſan-
ctiſſimā Chriſti religionem vel fidem in ipſum tollit: quales in Papatu
omnes videm⁹, & propterea etiam fugimus. Quamvis rursus non ne-
ceſſe ſit, Antichriſtum tales tantū errores ſpargere. Poteſt enim ali-
is etiam erroribus implicatus eſſe, is, qui ſpiritum habet Antichriſti,
ob quos tamen errores non eſt Antichriſtus, ſed ſimpliciter in errore
verſans dici poteſt. Breviter: Aliud eſt, habere errores, qui Antichri-
ſtum conſtituunt, & errores Antichriſti habere. poſſunt enim & alii,

Non omnis, qui
Antichriſti erro-
res quosdam ſe-
quitur, Antichri-
ſtus eſt.

qui non ſunt Antichriſti, Antichriſti tamen errores ſectari, & hoc ho-
die fieri, nimis abūdè experimur. Verba autem Iohannis ita ſunt acci-
pienda, ut ſubjectū ſit *Ieſus*, prædicatū *Chriſtus*, verba verò, *Qui in car-
ne venit*, deſcriptio ſint ſubjecti. Vnde etiam alibi ſimpliciter dicitur:

1. Ioh: 2. 22.

1. Ioh: 5. 5.

Quis eſt mendax, niſi is qui negat, quòd Ieſus non eſt Chriſtus, & Antichri-
ſtus is eſſe dicitur: & iterum ait: *Omnis qui credit, quòd Ieſus eſt Chriſtus*,
ex Deo natus eſt: & iterum: *Quis eſt qui vincit mundum, niſi is qui credit,*
quòd Ieſus eſt Chriſtus. Senſus autem verborum, *Qui in carne venit*, eſt,

Quid ſit, In car-
ne venire.

qui carne circumdatus venit, hoc eſt, qui variis calamitatibus & ipſi
morti obnoxius fuit, & tandem mortuus eſt. Ideo enim ab initio Ie-
ſum eſſe Chriſtū negaſſe malè ſeriatos homines, qui a variis afflictioni-
bus obnoxius & morte truculenta extrinſus fuiſſet, Paulus teſtatur, dū

1. Cor 1. 23.

ait, Ieſum crucifixū, Iudæis ſcandalum, Græcis ſtultitiā fuiſſe. Ita ut iſti
impoſttores, non negarent, Ieſum in carne veniſſe: imò propter hoc ip-
ſum, quòd ſcirent eum in carne veniſſe, Chriſtum eſſe negabant. Et
hunc eſſe horum verborum ſenſum, vidit etiam quidam Evangelicus
Thomas Naogeorgus, qui commentariū ſuper hanc Epistolā ſcripſit.

Thomas Naoge-
orgus.

2. Bis Ravenspergerus ait, Iesum in carnem venisse, semel verba Iohannis & iterum suam explicationem recitando, tertio verò ait, Iesum in carne venisse, quæ inconstantia allegationis, quidnam sapiat, iudicet cordatus lector. Sed hoc leviusculum est. 3. Quamvis istæ audacia est, verborum Iohannis, *Iesus venit in carnem*, talem asserre explicationem, non in concione ad populum, sed in disputatione cum aduersariis: *Verus æterni Patris Filius, idemq; verus Deus, homo est factus, non mutatione divinitatis, sed assumptione humanitatis, ut in humana natura fieret victima expiaretq; peccatum, & placaret iram Dei?* Num idem est Iesus quod verus, nempe naturâ, Deus? Num idc̃ caro, quod homo? Num idem in carne venire, quod incarnari? Num possibile est Deum hominem fieri posse? Num humanitas sine personâ humana assumi potest? Num Deus, in natura licet humana, victima fieri potest? Num qui victima, sit, placat iram Dei? Num deniq; iræ Dei placatione, in salute nostra, ulla unquam opus fuit? Pudeat istarum naniarum & assaniarum omnes eos, qui soli ferè sibi sapere videntur, & alios tam superciliosè condemnât, quos erroris convincere nequeunt.

Divinitati Christi Cerinthum & Ebionem tempore Apostoli se se opposuisse, & postea Arrium, quod porro scribit Ravensp., quam ineptè dicatur, docuimus in responsione ad thesin Schopperi 43. Nos verò eidem nos hodie opponere, quàm falsum sit, indies, Deo iuvante, rectius constabit. Verâ enim Christi divinitatē sartam tectam colimus, & vitâ nostrâ chariorem habemus: opinionem verò hominû, de divinitate Christi, extra & contra sacras scripturas conceptâ, quia oppugnamus, homines, ut calumnia speciem veri habeat, opinionem suam pro Christi vera divinitate venditant, & eam oppugnari clamant.

In eo verò, quod nos non longè abesse a negatione Christi universali, & proinde tanquã periculosos & perniciosos Christi hostes sedulo cavendos, ait, idq; illorû testimonio cõprobat, qui si inter duo mala unum sit eligendû, cum supersticiosi Papistis, quàm pestiferis Socinianis vivere malint, oratorem agit Ravensp. & disputare delinit. Nos verò Ravenspergerum graviter errare & peccare etiam dicimus, dum talia in nos effudit, & nulla ratione probat. Addimus etiam, illum, si sapuisset, prorsus debuisse a recitanda quorundam sententia ista abstinere. Nam si eam improbat, cur ad rem tantam probandam affert? Si probat, quid pietatis ea in re sit, ipse met consideret. Nos esse pestiferos, adhuc controversum est: Papistas verò, esse non tantùm supersticiosos (ut isti boni viri, malum extenuâdo, dicunt) sed etiam Idolatras, jam omnibus, qui a Papatu discesserunt, innotuit. Hem quo studium detrahendi aliis, quos superare rationibus non possis, homines in cautos deducat?

Errores Ravenspergeri.

Immaturus velus aduersariorum.

Sed jam tandem, harum elegantium præmiſſarum, elegantem audiamus conclusionem: *Quicquid homines reddit mendaces & Dei Patris ac Filii ejus hostes, id etiam salutis viam prorsus obscurat & impedit. Atqui Trinitatis negatio homines mendaces reddit, & Dei Patris ac Filii ejus hostes.* Ergo. In Majori, nisi vox mendaces accipiat pro talibus mendacibus, quales Iohannes describit, fallaciam inesse dicimus manifestissimam. Nam non omne, quod hominem facit ita mendacem, ut tantum erret, æternam salutis viam prorsus obscurat. Audiamus probationem Minoris: *Quia, inquit, Trinitatis personarum negatio, introducit Deitatis Iesu Christi, & satisfactionis* (quod Ravensp. addit) *ejus negationem. At negatio Deitatis Christi est ipsius Christi negatio, ut supra &c.* Sed quis non videt crassam petitionis principii fallaciam in hac Ravensperg. argumentatione? Nam pro Deitate Christi accipit id, quod ipse cum suis de ea sentit. Quam opinionem falsam, absurdam, & sibi contradicentem, sacris literis & sanæ rationi repugnantem, nos non tantum asserimus, sed firmissimis argumentis demonstramus. Videat igitur Ravensp., quomodo tanti nos sceleris convicerit, cujus nos insimulare non erubuit: Consideret etiam, quo jure in ipsum retorqueri argumentum possit, si par pari referre propositum nobis esset. Vix enim inter omnia dogmata, quæ adhuc inter Evangelicos (quos vocant) vigent, ullum magis viam salutis æternæ obscurat, quam dogma Trinitatis, qualem fingit Ravensp., & dogma illud satisfactionis Christi.

Fallacia Ravensperg.

Monitio porrò, quàm vult Ravensp., ne omnes, qui Trinitatem ipsius negant, damnentur, cum fieri possit, ut eam iterum confiteantur, sapit aliquid sobrietatis & modestiæ, sed scientiæ habet non multum. Vnde enim hoc didicit, eum servatum iri, qui Trinitatem ipsius confiteatur? Cum nemo non videat, posse istam opinionem sine vera in Deum & Christum fide, ut & veram in Deum & Christum fidem sine ista opinione consistere.

Opinatio de Trinitate non servat per se.

Sed adhuc plura pronunciat, de iis, qui Trinitatem (quam ille somniat) hostiliter oppugnant: *si contra conscientie testimonium, vel scientes illud faciant, merito, ait, de illis dubitari, nec tamen planè, nisi de commisso in Spiritum S. peccato (cujus forma magis intus lateat, quam foris pateat) constet, desperari. De alteris judicium Deo relinquendum. In summa ait: Causam istam sive errorem, suâ naturâ ad gehennam semper edificare: personam aliquando Dei gratiâ adjutam, errorem respicere, & damnationem errori debitam eflugere.* At hoc totum nihil esse, quicvis perspicere potest, nisi constet dogma Trinitatis, quale sectatur Ravensp., verum esse. Verum autem esse non potest, quia nec in sacris

Cur dogma Trinitatis verum esse nequeat.

literis

literis continetur, nec ex iis deduci potest, nec rationi deniq; sanæ congruit. Proinde idem etiam nos de illis, qui dogma Trinitatis, contra veritatem manifestissimam de uno Deo, qui Pater solus est, & Iesu Christo, qui filius Dei ex virgine Maria natus est, & Spiritu S., qui virtus Dei est, defendere pergunt, & veritatis hujus sacrosanctæ professores odio prosequuntur, & quantum in illis est, vitâ etiam privatos vellent, dicere & summo jure possemus, si, cum Ravensp. extra o. leas vagari, & loco disputationis, paræneticis vel decretoriis orationibus certare vellemus. Deum oramus, ut vel veritatem hominibus patefaciat, vel mentem saltem eis magis sobriam largiatur, ut neminem, qui fide in Iesum Christum vera prædictus est, condemnare unquam præsumant.

De Majestate Mysterii Trinitatis disserturus Ravensp: thesi 4. ait, *eam tantam esse, ut non sit comprehensibile, sed credibile: non effabile, sed admirabile: non per naturam inditum, sed per gratiam revelatum, & quidem quo ad τὸ ὄντι non quoad τὸ διότι.* Naturæ verò non tam repugnare, quàm eam superare. Respondeo. Vnum tantum petimus, ut doceatur, esse revelatum. Tunc enim nos statim illud approbavimus: Si verò revelatum non sit, ut incomprehensibile & ineffabile, ita falsum & ridiculum illud repudiare nobis licere, nemo puto, diffitebitur. Nam ubi ratio definit, ibi, revelatio incipiat, necesse est. Si verò nec revelatio nec ratio aliquid suadeant, procul omni dubio pro errore illud censendum est.

Vnde veritas rei
in religione per-
tenda.

Sed Ravensperg: nos detinet, & vult priùs docere, esse incomprehensibile, eo quòd Seraphin a pud Esaiam duabus alis facies suas texerint. O acutam probationem. Si Apostolus esset Ravensperg:, satis multa a nobis requireret. Alis facies tegunt angeli: Ergo tegunt eas coram Trinitate. Quid si dicamus, ideo alis duabus facies suas texisse Seraphin, quia Dei illius unius, qui Pater est, majestatem aspicere omnes non valeant, quid hinc absurdi esset? Certè enim ex ista faciei tectione, tantum majestas illius, quem viderunt, colligitur: Qui verò hinc, quòd, quem viderunt, sit Trinus in personis, unus essentiâ, colligere velit, ei medicamentis opus est. O miseros eos, quos talibus conjecturis fidei suam superstruere oportet. Hinc porro constat, quàm sint frivole tres sequentes illationes Ravensp. Prima enim, dum ait, *impossibilem esse conatum eorum, qui personarum Trinitatem in unitate essentiæ, non modò ex gratiosa Spiritus sancti patefactione, sed naturali etiam ratiotinatione evincere & docere nituntur*, pro nobis militat, contra Ravensperg: socios, qui sæpe, desperatione adacti, ad E-

Argumentum
Ravensperg: in-
firmum.

ethnicorum deliria confugiunt, & eadem, quæ ipsimet profitentur, ab illis etiam tradita fuisse, imperitè obijciunt.

Quamquam in eo iterum cum illis facit Ravensp: & ad ingenium redit, dum ait, *sententiam Ethnicorum ex prisca Hebræorum doctrina & puræ religionis reliquiis manasse: Quomodo verò ex prisca Hebræorum doctrina manare potuit, quod prudentissimi Hebræorum tanquam falsum repudiant, & quod plerique inter Christianos Theologi, adeoque ipse Ravensp: paulò infrà prisca Hebræis incognitum fuisse concedunt?* Hujusmodi contradictionum memorem esse oportet eum, qui alios docendi & damnandi sibi sumit licentiam.

Altera illatio est, quòd effrenata sit eorum audacia, qui in stupendam illam abyssum temerè irrumpunt, & spinosis suis argutis nihil intactum atque intentatum relinquunt, & sensuros hos curiosos, scrutatores (non scripturæ Iob: 5. 39. sed) *Majestatis tandem a gloria opprimi.* Sed hæc verba sunt, & terribilimenta puerilia, quæ viri non exhorrescunt, qui argumenta semper habent parata, quibus errorem, quantumvis antiquitate quadam confirmatum, infirmare possunt. Scrutatores scripturæ, quinàm sint, dies docebit. Scrutatores Majestatis eos esse, qui credunt, Deum, ut unus est essentiâ, sic etiam personâ unum esse, nemo nisi affectu animi excæcatus unquam dicet. Hæc enim est ita simplex confessio, & ad omnium captum accomodata, ut nulla scrutatione indigeat: Qui verò, in simplicissima & numero una Dei essentia, trinitatem personarum statuunt, an hi potiùs Majestatem scrutentur, quàm scripturas, penes lectorem iudicium esto.

Tertia illatio Socinum petit, qui docet firmissimè, doctrinam Trinitatis ideo etiam falsam esse, quòd pugnet inter se, Deum esse numero unum, & tamen tres esse, quorum unus quisque sit ille Deus unus; & addit, si dicatur, unum esse numero, sed ratione essentiæ, trinum verò ratione personarum, rursus hîc contraria dici. cum tres vel etiam duæ personæ esse nequeant, ubi est una tantum numero sive individua essentia: sed ad plures unâ personas constituendas, plures etiam unâ individuas essentias requiri. Hanc Socini invictam argumentationem, indignam Theologo vocem appellat Ravensp:, & addit, *Neminem tam esse stolidum, qui non lubricam hanc demonstrationem animadvertat, quâ ex sensu communi refutaturus sit id, quod omnem sensum humanum longissimè superat; argutias cerebri illius non imperaturas doctrinæ verbi Dei: sufficere sibi, mysterium illud ex scripturis cognitum humili fide & pietate adorare, curiosam & furiosam temeritatem scrutandi omnia, quæ sibi Deus reservavit, vitare.* Sed sufficiant tandem verba Ravensp: gere. Id quod rationem superat, ratione evincere vel-

Quis dici debent
scrutator majestatis.

cere velle, verè cum ratione insanire est: At docere, verum non esse in Theologia, quod rationi sit contrarium, verè & secundum Deum est ratiocinari. Hoc facit Socinus, illud verò nec cogitavit unquam. Doceatur igitur, non esse contra rationem, id quod impugnatur, & doceatur, vel rationibus, vel saltem scripturæ testimoniis, & nos manus protinus dabimus: At istæ cavillationes & aniles sugillationes homine cordato, nedum Theologo, prorsus indignæ sunt.

Nihil rationi contrarium in religione.

Denique quòd allegorizans, Socinum similem esse, ait, tribuno illi, *cujus manu Rex Israël nitebatur, qui cum Elischach in durissima obsidione Schomronis subitam & maximam prædiceret abundantiam, dicebat: Ecce si Iehova faceret cataractas in cælis, an posset esse res ista: se verò similem Elischach, qui respondit: Ecce tu visurus es oculis tuis, sed ex eo non es esurus; & idem se nobis respondere, quòd expèrturi simus tandem in universali & solenni iudicio Iesum Christum verum & æternum cum Patre & spiritu sancto esse Deum, quòd maiestatem SS. Trinitatis mente incomprehensibilem & lingua ineffabilem exaudiri simus, sed nec aspectu ejus beato fruituri, nec mansiones celestes ingredi nobis datum iri. Se cum Abrahamo verbis Iehovæ credere, non dubitantem, id sibi ad iustitiam imputatum iri; se ea quæ Deus de se in suo verbo testatus est, humiliter assumere, nec id quod cerebro humano impossibile videtur, illico ridere, ut Sara, in eo, quomodo suæ autoritati Doctorali, præsertim ubi disputandum est, consulat, nolo nunc exponere. Veritati quomodo patrocinetur, uno verbo doceo: Doceat Ravensperg: prophetam aliquem vel Christum id dixisse, quod sentit ipse de Trinitate, quæ modum docet, prophetam olim prædixisse istam abundantiam, & nos id statim credemus, nec unquam id ridebimus. Hoc verò si facere nequeat, & dogma illud tum a sacris literis tum a vera ratione destitutum deinceps esse appareat, quid speret amplius, quàm ut ex animis hominum piorum exterminatum, perpetuo risu dignum habeatur?*

Puerilis disputandi Ravensperg ratio.

Sed nunc veritatem Mysterii hujus audiamus. Primum ait thess. 7. hanc doctrinam subobscurè priscæ Iudæorum Ecclesiæ fuisse traditam: se tamen posse, eam, non tantum pluralitate personarum indeterminatam, sed etiam numero ternario determinatam firmiter ex veteri Testamento concludere. Sinamus nunc ista, quæ refert, nescio unde, Ravensperg, quòd Iudæi nunquam sint confessi tres personas, sed unum tantum creatorem Deum. Hoc enim ita manifestum est, ut multi Theologi id ipsum disertè fateantur. Demus, nos teneri ea credere de Dei etiam essentia, quæ Iudæis non erant revelata. Probetur tantum, istud mysterium in veteri Fœdere non fuisse ignotum: nunc verò esse revelatum.

Prius igitur probat locis, Genes: 1. 26. & 3. 22. & 11. 7. & 19. 24. Exod: 20. 2. Deut: 5. 12. Hof: 1. 4, 7. Zach: 3. 2. Vis ratiocinatis est 1. quòd Deus de se in plurali numero loquatur. 2. quòd pluribus, quàm uni nomen Iehovæ tribuatur. Ad prius argumentum respondimus, in superiori disputatione adversus Schopperum prolixè, quo lectorem benevolum remittimus: Ad alterum in hoc ipso scripto paulò superius. Summa est. Locutio de Deo in numero plurali, personarum in Deo pluralitatem non insert. Extant enim exempla plurima in omnibus linguis, ubi homines, præsertim penes quos est aliqua potestas, de se solis loquentes, plurali numero utantur. Nomen Iehovæ Spiritui S. nusquam tribuitur: sed id, quod semel Iehovæ tribuitur, id iterum Spiritui S. tributum esse concedi potest, quia Spiritus S. sit Dei virtus. De Christo idem nomen aut non legitur disertè: aut si tamen legi quis contendat, ideo id ei tributum esse dici potest, quia personam Iehovæ sustineat. quemadmodum etiam Angelis id ideo tributum esse constat.

Caterum cùm parum esse videret Ravensp. pluralitatem personarum affirmare, nisi etiam Trinitas ostendatur, cùm non omnis pluralitas sit Trinitas, probat id etiam ex loco Es. 6. ubi ter dicitur, Sanctus, Sanctus, Sanctus. Sed quàm hoc sit frivolum, ostendimus in responsione ad thesin Schopperi 29. Verba etiam sequentià Esaiæ: *Quem misurus sum, & quis iturus est nobis*, partim huc non faciunt. nunc enim Trinitas, non pluralitas personarum probanda erat: partim in eadem responsione nostra ad th. 23. explicata sunt. Argumentum deniq; ex eo ductum, quòd hæc verba de Deo Patre dicta, ad Filium accommodentur, Ioh. 12, 41. & de Spiritu S. dicatur, quòd per Prophetam Esaiam hæc verba dixerit, quàm sit infirmum, supra in hac responsione nostra abundè demonstratum est. Vetustorum quorundam exemplarium, quæ aliàs se producturum Ravensp. pollicetur, in quibus habeatur, Sanctus pater, Sanctus filius, Sanctus Spiritus S., autoritas & fides penes lectorem esto. Equidem falsissimè de illo gloriari Ravenspergerum, persuasissimum hæcenus habeo. Cur enim nunc illud non ostendisset, cùm de Trinitate ex professo (ut sic loquar) disputatur? Et si illud ostendi nequeat, cogitet Ravensp., quid de eo eruditi omnes sint cogitaturi deinceps.

Audiamus quomodo ex novo Testamento mysterium Trinitatis clarissimè ostendere conetur Ravensp. Adducit loca Matth. 3. 32, 33, 34, & 28, 19. 2 Cor. 13. ult. & Ioh. 5, 7. Ad hæc loca respondimus sufficienter in superioribus. Videatur responsio ad thesin Schop. 31, 32, 33, 34, 35, 36, 37. Vnde etiam peti poterit refutatio eorum, quæ deinceps Ravensp.

mani, ac ita jam illa ipsa secunda persona Trinitatis, quæ fuit offensa, etiam facta est reconciliatrix, per quam tota Trinitas est reconciliata. Vide D. Philippum in libello de controversia Spancari. Risum mihi & indignationem movit Schopperus hac ultima sua responsione. Quis enim non rideat istud consilium S. Trinitatis, de quo ne minima in sacris literis mentio? Quis porro non indignetur, ista tam audacter effutire eos, qui solo verbo Dei, omnia, quæ ad salutem pertinent, demonstrari posse, hæcenus contra Pontificios tam constanter urserunt? Nonne hac disputatione probandum sumsit Schopperus, quod Christus Deitatem, nempe naturalem, habeat? Cur igitur, ac si id extra controversiam & a nobis approbatum esset, hoc ipso nos retundit, & objectiones diluit? Nonne a nobis negatur istud bellum commentum de reconciliatione Dei? Nonne disertissimis sacrarum literarum verbis docemus, Deum propitium fuisse humano generi, priusquam Christus in mundum veniret? Nonne docemus, Christum mediatorem inter Deum & nos constituendum fuisse, etiamsi peccatum humani generis nullum intercessisset? nam ante constitutionem mundi Deus nos in Christo elegit? De Spiritu verò S. reconciliato nonne est putidum commentum? Quorsum igitur istæ aniles nugæ de consilio Trinitatis, ut media persona fieret mediator humani generis, & totam Triplicitatem reconciliaret, tam importunè obtruduntur?

Gratias agit uni & Trino Deo Schopperus, quod se salvificæ suæ agnitione illuminârît, & ex parte jure eum id facere confitemur. Sed quid putat nos facere, dum istos tam crassos errores, & eorû tam pueriles defensiones audimus? Ex animo, Deo uni, Patri nostro, & Iesu Christo, uni Domino nostro supplices, quantas possumus maximas, agimus gratias, quod ex istis absurdis, ridiculis, seipsos destruentibus & perniciosis erroribus nos eruere dignatus sit. Rogat eundem Deum Schopperus, ut se in eadem agnitione sui usq; ad finem conservet: Ego verò Deum illum unum verum, patrem nostrum, & Iesum Christum filium ejus, Dominum nostrum, pro ipso humiliter oro, ut ex tantis eum & omnes alios, qui Evangelicorum titulo gaudent, tenebris clementer eripiat. Interim tamen, si nihil per malitiam a nobis hac in re fiat, & veræ pietatis studiû inter nos vigeat, spero, imo certò persuasum habeo, nos non tantum in hac, sed etiam in altera beata vita, Deum cum sanctis angelis concelebraturos, cantantes, non tantum uni Deo: Sanctus, Sanctus, Dominus Zebaoth. hæc enim est vetus cantio, hoc est, vetus Deum celebrandi modus, sed etiam Sanctus, Sanctus, Sanctus Dominus noster Iesus Christus, quæ est nova cantio. Sedenti in Throno, & Agno, honor, laus, & benedictio in secula seculorum, Amen.

Refutatio responsionis.

Animus auctoris
erga Schopperum.

Ad Demitrovitium Lituanum.

NON erat, Demitroviti, quòd ad theſes Schopperi iſtâ tuâ oratiôculâ applauderes, niſi forte, ut chartas vacuas ſuppleres. Temeritatem appellas, velle Eſſentiam Dei perſcrutari. In hoc verò Schopperû tuum perſtringis. Nam qui Deum unum eſſentiâ & perſonâ eſſe credit, is nihil, quod non ſit notiſſimum, & ad captum omnium accomodatiffimum omnibus, fatetur: Qui verò eſſentiam numericam ita unam ſtatuit, ut tribus perſonis communis ſit, is ea vult perſcrutari, quæ, ut vera non ſunt, ſic vera eſſe nullo modo poſſunt, & hominibus vult perſuadere, ut cum ratione inſaniant. Inter alios Arium, circa negotium S. Trinitatis graviffimè lapſum eſſe affirmas. Hoc, ſi de doctrina de Patre Filio & Spiritu ſancto intelligis, verum quidem eſt, ut in reſponſione ad theſes docui: Sed ſi de dogmate Trinitatis, quale vos jam ſectamini, id accipias, quàm graviter ipſe erres, credo te intellecturum, ſi, quæ ea de re ibidem ſcripſi, diligenter perpenderis.

Servetum meritò crematum eſſe aſſeris. Ergo & veſtros meritò mille mortibus mulctant Pontificii. Tam enim blaſphemus eſtis apud illos, quàm erat Servetus apud vos. Egregii verò Spiritus Chriſti fructus, & acuta, ſcilicet, charitas, quæ lex eſt βαβιλικὸς, rogis fratres errantes imponere. Gentili de ejectione ex Polonia inſultas. Quafi, ob veritatem exilio multari, non ſit glorioſum, & idem etiam veſtris alibi non acciderit? Gentilis ante ſignanos facis, Fran: Davidis, Lælium Socinum, F. Stancarum, Petrum Statorium, Fauſtum Socinû (quē & Lælii filium facis, cùm is patruus illius eſſet, pater verò Alexander) Oſtorodum, me, Licinium & alios. At horum quidam, Gentili jam e vivis ſublato, demum inclaruerunt, quidam poſt ejus obitum nati demum fuerunt, & ab iſtiusmodi probroſis vocibus, quibus gentilem uſum fuiſſe quereris, prorſus abhorrent, ut ex reſponſione mea percipere potes. Quomodo igitur Gentilis anteſignani dici poſſunt?

Omnes deniq; modò nominatos, monſtroſa capita, pro tua modestia, appellas, quorum eruditionem & pietatē, dum in vivis eſſent, mirabatur ii, qui eos norant, & mirabitur multò magis futura ætas, ut pote quæ de rebus ſemper rectiùs judicat quàm præſens: Qui verò vivunt, ii id unicè agunt, ut ſecundum Chriſti Evangelium ſapiant & vivant. Hoc verò qui faciunt, illi a monſtroſis opinionibus ſemper tuti futuri ſunt. Itaq; monere te fraternè volui, ne per alienam infamiam tuam quærereres gloriam: ſed ſi, quod nos ſentimus, recipere nondum potes, idē tibi evenire poſſe, quod nobis evenit, qui non minùs quàm tu, ſententiæ iſtius de Trinitate veſtra, ſanguine etiam noſtro confirmādi, ardore olim tenebamur, crederes; & quia ſervus tantùm Domini es,

Demitroviti er-
ror.
1.

12.

Demitri animi
non Chriſtiani
argumenta. 1.

11.

In cogitantia De-
mitroviti.

Demitri imode-
ſtia.

Adhortatio ad
Demitri: fraternā.

REFUTATIO

Eorum, quæ ad hanc materiam pertinentia, præter ea, quæ a
*D. Schoppero dicta sunt, attulit contra nos HERMANNUS
 RAVENSBERGERUS S. T. Doctor & Professor in
 Schola Benthemensi.*

O Missis aliis parum rectè dictis in thesibus & exegetibus illi-
 us, quæ, si examinare omnia voluissimus, licurâ inducenda
 ferè fuissent omnia, in ea tantùm breviter animadvertemus,
 quæ ad probandam contra nos Christi ficticiam divinitatem, vel tres
 divinitatis personas afferuntur.

1. Est, quod fol. 2. in exegeti thesi 1. ait, verba Christi, Ioh. 17. v. 3. ita
 legi posse: *Hæc est vita æterna, ut cognoscant te & quem misisti lesum
 Christum, esse solum illum verum Deum*, idq; ideo, quod v. 5. dicatur,
 Christum habuisse gloriam apud Patrem, antequam mundus esset.
 Hoc quàm futile sit, docuimus in responsione ad scriptum Ravensper-
 geri, *Vnum par Sophismatum Socinianorum &c.*

2. Quod si, ita legantur, ut legi debent, & nos ea legimus, decipi nos
 ait fallaciâ non causæ ut causæ. Veram enim causam non esse, quod tan-
 tùm sit una persona in essentia Dei, nempe patris: sed quod ad vitam
 æternam consequendam, nō sufficiat, separatim cognoscere naturam
 Dei in essentia unitate & personarum trinitate, sed necessum sit con-
 junctim scire, quis & qualis sit Deus, quis item & qualis sit Christus,
 quorum postremum priori inseparabiliter cohæreat &c. Cùm igitur
 dicitur *Solus*, distinctione ista non opponi Categorematicè personam
 unam alteri, quæ essentia divina communicet: sed Deum solum ve-
 rum, omnibus falsis & fictitiis, qui veri non sunt, sed falsò dicuntur dii,
 syncategorematicè opponi. Id verò ex eo, ait, perspicui, quod Chri-
 stus non simpliciter dixit *solum Deum*, sed *solum verum*, ut falsos om-
 nes excluderet. Ad Patris autem personam si illud restringeretur,
 profectò concludi, Christum non esse verum Deum, contra *verba Scri-
 pturæ*, 1 Ioh. 5. & vult. Hic primùm Ravensp. rogatum velim, quod et-
 iam a D. Graverio petii, ut paulò attentius secum cogitet, quid, ex
 mente Aristotelis, sit fallacia non causæ ut causæ. Procul enim dubio
 intelliget, paulò aliter rem se habere, quàm hæc ipsius verba produnt.
 Et hoc non tam meâ quàm Ravenspergeri causâ rogo, ne ab aduersa-
 rio malevolo eain re carpatur & exagitetur. Deinde verò dico, verum
 quidem esse, ex Christi verbis apparere, quod non sufficiat ad vitam
 æternam cognitio Dei, sed necesse sit conjunctim scire, tum quis &

De fallacia non
 causæ ut causæ.

In quo consistat
cognitio Dei.

qualis sit Deus, tum quis & qualis sit Christus: sed falsissimum vel saltem nimis controversum est, cognitionem Dei consistere in cognitione naturæ ejus, in essentiæ unitate, & personarum Trinitate, quod ait Ravensperg. Hæc enim personarum Trinitas ex nullo sacrarum literarum testimonio, vel iusta ratione probari ullo modo potest. Simile huic illud est, quod, cum dicitur *Solus*, non opponatur persona unaalteri, quæ essentiâ divinâ communicet. Quasi scilicet jam constet plures unâ personas esse, quibus essentia divina competat, quo vix aliquid falsius excogitari potest. Cum essentia divina numero sit una. Communicare autem illud, unitatem numericam prorsus tollat. Hoc modo alii nobiscum disputant, qui vel modum disputandi non intelligunt, vel sola nos autoritate humana premunt, quorum utrumq; a Ravensperg. abesse debet quam longissimè, tum ob eruditionem, tum ob professionem ipsius.

Vox Solus cui
opponi possit.

Vocem porrò *solum* opponi diis falsis, nihil juvat Ravensperg. Potest enim suo modo etiam Christo opponi, cum certo certius sit, Christum, etiamsi sit verus Deus, non esse tamen *illum* verum Deum, ut Christus de patre suo, articulo ad vocem ἀλλοθὺν addito, ait; nec verum illum Deum uspiam scriptura Christum appellat. Quod enim ex Iohanne affertur, id quàm sit infirmum, imò falsum, docuimus in responsione ad thesin Schopperi 55.

2 Ioh. 5.

Christus ad cultum
divinum
pertinet.

Sed habet quædam nova Ravensperg. quæ operæ pretium erit examinare. 1. est, dum ait: *Si nec filius verus Deus esset, debebat & de illo admonere, ne pro vero Deo adoretur.* Hæc ratio calva est, & causam Ravensperg. evertit. Calva est, Quia non est ita contrarius Christus, & cultus qui ei debetur, Deo & cultui ejus, ut sunt idola: imò in cultu & adoratione Christi, continetur cultus divinus, quemadmodum in fide, quæ Christo tribuitur, fides in Deum collocanda continetur, teste ipso Christo, Ioh. 12. v. 44. adeo, ut etiamsi diversi sint essentiâ Christus & Deus, pro uno tamen Deo haberi suo modo possint. Causam Ravensperg. destruit. Nam si Iohannes monere debuit de Christo, apparet, cum non appellasse Christum verum illum Deum. Nam si appellasset, quorsum opus fuisset admonitione, cum verus Deus opponatur idolis. 2. est, quod pronomen *Hic* negat in hoc loco ad remotius referendum esse, idq; confirmare ait tum rationes sequentes, tum quod primum, imò unicum versiculi illius 20 subjectum sit, Filius Dei Christus, de quo reliqua omnia prædicari certum sit. Hic obscuritatem & perplexitatem verborum Ravensperg. accuso. Nam duo videtur afferre velle, ob quæ vox *hic* non possit ad remotius referri, quorum alterum sint sequentes rationes, alterum, quod hic recenset & alia sequentia

Obscuritas & A-
versberg:

quentia duo, de quibus mox agemus. Iam si hæc tria quæ recenſet, ſunt illæ rationes, quomodo rationes ab iſtis tribus ſeparantur, vocibus, tum, tum? Si non ſunt hæc tria, quæ recenſet, rationes illæ ſequentes, ubi nãm ſunt, præter hæc tria, rationes aliquæ? Sed videamus hæc tria, ſive ſint ipſæ rationes, quas ſequentes Ravensp. vocat, ſive non. Reſpondeo ad primum. Nihiſ ad cauſam Ravensp. juvandam elici poteſt, etiamſi primarium vel unicum v. 20. ſubjectum ſit Ieſus Chriſtus, ſi non conſtet, cum hîc verum Deum appellari. Eatenus enim ſubjectû illius verſiculi eſt Chriſtus, quatenus venit, & mentem nobis dedit, ut cognosceremus verum illum Deum, & quatenus ſumus in illo vero, per ipſum Chriſtum filium ejus. Hæc verò omnia non permittunt ullo modo, ut Chriſtus ſit verus ille Deus. Alium enim eſſe oportet filium Dei illius veri; alium item qui venit & dedit nobis mentem, ut cognosceremus illû verum Deum; alium deniq; per quẽ ſumus in illo vero, ab ipſo vero Deo, cûm nemo ſui ipſius filius ſit; nec alium Deum Chriſtus cognoscendum nobis de derit, quàm patrem ſuum; nec deniq; in alio Deo ſimus, per filium ejus Ieſum Chriſtum, quàm in patre.

2. Ratio Ravensperg: eſt, *Quòd ſupervacanea eſſet aſſertio, ſi de Deo Patre intelligeretur. Dixerat enim Ieſum dediſſe nobis mentem, ut cognoscamus verum illum Deum, cur nunc ſubjiceret, Hic eſt verus Deus?* Sed primum quid uſitatius eſt Iohanni, quàm eandem rem iterare, & interdum fere iisdem verbis? Deinde non prorsus eadem ſunt, quæ dicit Iohannes. Priùs enim ſimpliciter dixerat, Filium Dei veniſſe, & dediſſe nobis mentem, ut cognosceremus Deum illum verum; dixerat etiam nos eſſe in illo vero, in filio ejus, hoc eſt, per filium ejus Ieſum Chriſtum: Deinde verò illud, quod ſemel nudè dixerat, confirmare iſta iteratione voluit, & credentibus probè inculcare, ut ſcirent, hunc, quem filius Dei annunciavit, & in quo illi erant, hoc eſt, cujus populus effecti fuerant, hunc, inquam, & neminem alium, eſſe verum illum Deum, adeoque vitam æternam, quod antea dictum nō fuerat; & proinde ab aliis falſis diis cavendum eſſe. Denique, quinàm ſenſus horum verborum alius etiam eſſe poſſit, docuimus in jam dicta reſponſione ad theſes Schopperi, qui ſi verus eſt, ut certè videtur, agnoſcet Ravensperg: hanc ſuam rationem nullius prorsus eſſe momenti.

3. Ratio eſt. *Quia verba ſequentia, & vita æterna, juxta perpetuum Iohannis loquendi modum, de Chriſto accipienda, & 11, 12, 13, & cap: 1. 1, 2. ſic ut optimè finis Epistolæ initio reſpondeat. Ergo & antecedentia, quæ immediatè cum ſequentibus coherent, de eodem intelligenda.* At hæc ratio infirmiſſima eſt. Quid enim impedit, quominùs verba ultima, *Vita æterna de Deo patre intelligantur, cûm is ſit cauſa illius prima?* vel quominùs

Differentia Chriſti a Deo patre.

Cur Iohannes idem repetat.

Ioh: 1. de ipsa
vita æterna ser-
mo est.

conjunctim de utroque dicatur: *Hic est verus Deus & vita æterna*, quatenus, qui cognoscit Christi Patrem & ipsum Christum, habet & illum verum Deum & vitam æternam. Quamquam etiam nihil est, quod cogat, verba Iohannis cap: 1. 1. de ipsa Christi persona intelligenda esse, cum aptissime de ipso Evangelio vel in eo contenta felicitate intelligi possint, de cuius perfecta cognitione in illis, figurato quidem sed valdè emphatico modo, D. Iohannes agit, quod præter alia articulus neutrius generis, quod, quinquies positus, unumquemque docere potest, qui locum diligenter inspexerit. Sed non est nunc de eo differendi locus.

Quæ in th: 2. dicuntur, Deum esse spiritum unum & trinum, quàm sa sint, ex sequentibus constabit. Quàm rectè in exegesi natura ab essentia distinguatur: quàm rectè, species bonitatis in Deo, sapientia constituitur, judicent eruditi, quibus veritas divina cordi est. Imò, quòd ad prius attinet, videat ipsemet Ravenspergerus, quomodo sibi constet, qui in 4. thes: exegesi dicit, vocem Græcam *θεός*, naturam sive essentiam significare.

Quæ in exegesi thes: 4. differit de vocibus, quibus in explicando dogmate Trinitatis, qualem ipsimet confinxerunt, utuntur adversarii, ea scrupulosè non examinamus. res enim magis quàm verba curamus: Non possumus autem non reprehendere, quòd, dum nos rebus ipsis, si probentur, contenti sumus, voces etiam se probare posse adversarii confidunt, quòd tamen nunquam præstabunt, ut alii insignes Theologi consentientur.

Quàm falsa sit thesis quinta, quæ affirmatur, non tantùm Patrem, sed etiam Filium & Spiritum sanctum esse verum, nempe naturâ, & perfectum Deum: & rursus horum trium esse eandem essentiam, & eos esse unum tantùm Iehovam, ex iis, quæ ad theses Schopperi prolixè respondimus, unicuique constabit. In hujus exegesi notandum est, distinctionem illam, quæ dicitur, nomen Dei sumi aut propriè aut impropriè: impropriè rursus, tum nuncupativè, tum concessivè per minime sin, parum accuratam ac rectam esse. Primum enim vox Dei nō est propria, sed appellativa, ut loquuntur, & significat eum, qui divinitatem habet potestatem & imperium. Hoc verò quia Deus ille unus habet modo omnium excellentissimo, nempe naturâ ex seipso, ideo κατ' ἐξοχὴν sive per excellentiam vox Deus ita illi tribuitur, ac si ejus propria esset. Deinde falsum est, vocem Dei concessivè per minime sin tribui illis, qui nullam revera potestatem divinam habent. Nec id loco 1. Cor: 8. 6. probari potest. verba enim illa, *Etiamsi sint, qui dicantur Dii, sive in celo sive in terra, sicut sunt dii multi & domini multi, non ex gentium*

De significatio-
nibus vocis De-
us.

gentium opinione, sed ex mente Apostoli dicta esse, alibi a nobis demonstratum est prolixè, in responsione ad Monstra a Smiglecio Iesuita conficta, & repetitum in responso nostro, quod edidimus ad scriptum Ravensp: cujus titulus est: *Vnum par Sophismatum*, &c. Porro falsum est, improprie illis nomen Dei competere, quibus competit per analogiam. Tam enim proprie illis competit, quàm aliis, licet modo minus excellenti; nec analogum proprio opponitur unquam, sed imperfecto. Quis dicat, exempli causâ, Reges improprie imperare hominibus, Deum proprie? cùm tam reges, quàm Deum proprie imperare nemo non videat? Denique parum est dicere, illis, quibus vox Dei competit per analogiam, competere eam nuncupativè. Nam quod per analogiam alicui competit, id reipsa illi competit: quod verò nuncupativè, id reipsa non potest competere. Restat igitur dicere, vocem Dei duplicem tantùm habere significationem: Et significare modò eum, qui ex seipso potestatem divinam habet; modò eum, qui ab aliis eam habet secum communicatam.

Deinde in eadem exegeti Tritheitas refutaturus Ravensp: quædam dicit, quæ examine indigent. 1. est, quòd nomen Iehovæ sit nomen essentialè, & ita Dei proprium, ut præter Deum conveniat nemini. Ad hoc primùm legatur, quod in responsione ad *Vnum par Sophismatum*, &c. ex Brentio de voce Iehova attulimus. Is enim aliter prorsus sentit, & eos accusat, qui ad essentialiam Dei nomen illud referunt. Deinde observetur, attulisse quidem Ravensp: loca, in quibus nomen Iehova Deo tribuitur, sed nullum, in quo dicatur, quòd nomen illud solius Dei proprium sit. Taceo ineptiam conclusionis Ravensp: dum ait: *Nonné hinc clarissimè docetur, Iehovæ nomen esse illius proprium, qui totum regit mundum, & perinde non convenire ulli creaturæ*. Iam enim cum Tritheitis illi res est, qui non creaturas esse illos asserunt, quibus præter Patrem nomen Iehovæ competat, sed Deos. Loco etiam Es:42.8. vis quodammodo illata est ista interpretatione: Ego sum Iehova, hoc est nomen meum: & hanc gloriam meam alteri non dabo, & hanc laudem meam sculptilibus. Nec enim constat, gloriam, quam Deus alteri dare non vult, esse illud nomen Iehovæ: Sed duo dici videntur, nempe quod sit nomen Domini, & quid Dominus ille non facturus sit; & verba priora, *Ego sum Iehova, hoc est nomen meum*, attentionem quandam sequentibus parare videntur. Quanquam etiamsi laus illa, quam Deus negat se daturum alteri, sit illud nomen Iehovæ, nihil hoc facit pro Ravensp. Possè enim nomen Dei essentialè etiam aliis tribui, qui Dei illius personam sustinent, notius est quàm ut probatione egeat.

Iehovæ nomen
non est essentialè,
nec Dei proprium.

Christo nomen
Iehovæ quatenus
competere possit.

Exod. 3. 1.

Act. 7. 40, 41, 43.

Spiritus S. nō ap-
pellatur Iehovæ.

Gal. 4. 30.

1. Cor. 12. 24.

Sed assumit Ravensp: Nomen illud Iehovæ Filio & Spiritui sancto simpliciter & propriè tribui. De Filio respondemus. 1. Etiam si illud fieret, hinc tamen non sequi, eum esse ipsum Iehovam, ob causam paulò antè allatam. Nam si de aliis, qui filio Dei multò sunt inferiores, legimus, eos nomen Iehovæ usurpasse, quid mirabimur, si idem etiam de Christo dicatur? 2. Deinde illud factum esse, nondum probavit Ravensp: . Nam quod assertur ex loco Es: 6. de ter repetita voce Sanctus, id quam futile sit ad hoc ostendendum, suprà in responsione ad th: 29. ostensum est. Quod verò hic additur, id confirmari loco Ioh: 12. 42. non minùs infirmum est. Ibi enim tantùm dicitur, quòd Esaias viderit gloriam illius, & locutus sit de illo. Potuit autem Esaias Christi gloriam videre, ut futuram, & de eo loqui, ut futuro. Hoc enim Prophetarum est propriũ. Potest etiam vox *Ejus* & *Eo* non de Christo, sed de Deo intelligi, & referri ad remotius, non ad prius. Vide c. 9. 22. de voce *Ei*. Vnde etiam Robertus Stephanus legit expressè *τὸ θεῶν*, De Spiritu verò sancto, illud idem dici Act. 28. 25. & captiosè dictũ est, & ad rem nihil facit. Non enim ibi dicitur, Esaiam de Spiritu S. locutum esse, cùm ista verba protulit, quæ ibi habentur, quod probandum erat Ravensp: sed tantùm dicitur, Spiritum S. locutũ esse per Esaiam ista verba. Ex eo verò, quòd Spiritus S. verba illa dixit, non sequitur verba illa de Spiritu S. dicta esse. Sicut nec ex eo, quòd verba illa dixit Esaias, ut est apud Iohannem in loco citato, sequitur ea de Esaias dicta esse. Quòd verò Spiritui S. ibi tribuatur loquela, id figurato loquẽdi modo fieri posse, etiam si persona non sit, ea exempladocent, quibus etiam scripturam & Abelis sanguinem loqui affirmatur. Videat igitur, Ravensp., quomodo in sumum abierit Syllogismus ipsius, quem annexit, cùm assumptio partim falsa sit, partim inconsequens. Falsa, quòd Filius & Spiritus S. verè sint Iehova. Inconsequens, quòd, etiam si vel ita appelleretur Filius, vel idem Spiritui S. tribuatur, quod de Iehova prædicatur, hinc tamen non consequatur, vel Filium vel Spiritum S. esse Iehovam. cùm Filio id nomen tribui possit, quia personam Iehovæ sustineat: Spiritui verò S., quia Dei virtus sit.

Vnitatem porrò essentiæ divinæ testimoniis ex novo Testamento adductis, concludi ait, sed captiosè. Nam non de unitate essentiæ divinæ simpliciter, sed quatenus ea tribus personis competit, dicere coeparat. Ephes. autem 4. 5, 6, tantùm unius Dei & patris omnium fit mentio. 1. Timoth. 2. 5. unius Dei & unius mediatoris Dei & hominũ, hominis Iesu Christi. Ioh. 10, 30 de Christo & patre dicitur, quòd unũ sint, sed quòd Essentia unum sint, probari hæcenus non potuit. c. 14, 10, Christum in Patre, & Patrem in Christo esse dicitur, sed unitas Es-

sentia

sentia hinc nullo modo probatur, ut alibi docuimus in refutatione *Vnius paris Sophismatū* &c. Mirum igitur est, cur tanti viri rerum controverfarum tam obliquam, imò obscuram & perversam instituant probationem. Sed tandem illustrem locum affert, 1. Ioh. 5, 7., ex quo unitatem Essentia, in tribus scilicet personis, probare annititur. Vnde cōstat, me rectē ab initio captionis accusasse Ravensperg. Duo autem momenda in hunc locum ait: Ejus certitudinem & expositionem. De certitudine disserturus, ait, versiculum hunc non esse ab homine additum; & accusat Arium, qui hunc versiculum e Bibliorum codice eiecisse fertur. Sed bene est, quodd fertur Arius eiecisse. Multa enim solere dici, quæ falsa sunt, præsertim ab adversariis malevolis, quis est qui nesciat; & mendacium hoc impudentissimum esse, quivis sensatus facile conjectare potest. Sed audiamus, quomodo probeat Ravensp., eum ab Apostolo esse conscriptum. 1. ait, *confirmat id coherentia contextus* & 8. *ἡ τῶν εἰς αὐτὴν, quæ copula inepta esset, nisi quædam inter versum 6 & 8 intervenirent.* Sed magnum hoc est negligentia Ravensp. argumentum. Nam in exemplaribus, quæ versiculo isto carent, aliter habent illa verba, nempe in hunc modum: *Hic est qui venit in aqua & sanguine, Iesus Christus, non in aqua tantum, sed in aqua & sanguine, & Spiritus est, qui testatur. Nam Spiritus veritas est. Nam tres sunt, qui testantur in terra, Spiritus, aqua & sanguis.* 2. Est. Testimoniorum duorum eandem rem confirmantium oppositio, Terreni scilicet, & cœlestis, *Cur enim, ait, tres testimonium dare in terra dicerentur, nisi testimonii dati in cœlo mentio facta fuisset?* Sed & hoc ejusdem valoris est. Nam in plerisque exemplaribus, quæ versiculo isto carent, defunt etiam illa verba, *In terra.* Videatur versio Iunii & Tremellii, & Erasmi annotationes in hunc locum, qui ait: *In græco codice tantum hoc reperio de testimonio triplici: Quia tres sunt, qui testantur, Spiritus, aqua, & sanguis.* & Cyrilli affert testimonium, qui, contra Arianos dimicans, locum hunc omiserit, nō omissurus eum, si aut scisset, aut credidisset, hoc fuisse scriptum ab Apostolo. Videatur etiam iudicium Theologorum Lovaniensium. 3. est. Consensus tum veterum tum recentiorum exemplariorum. *Habēt enim, ait, hæc verba, præter Syriacum exemplar, correctæ exemplaria omnia, Legit eadem Hieronymus, Cyprianus, Britannicus codex, Complutensis editio, & vetusti Rob. Stephani libri.* Primum falsum est, quod dicitur de correctioribus exemplaribus omnibus. Nam omnia ferè exemplaria Græca, & antiquiora latina, verba illa non habent; Syriacæ etiam versionis autoritas non postrema est: Illis verò, qui verba ista legunt, opponi possunt tot autoritates veterum & recentiorum, ut meritò conspudere debeat, qui contrarium

De loci 1. Ioh. 5.
corruptione.

affirmant. Vni enim Hieronymo (nam Cyprianum non meminit) opponit Beza, Nazianzenum, Athanaſium, Dydimum, Chryſoſtomum, Hilarium, Cyrillum, Auguſtinum, Bedam. Plerosq; horum Eraſmus etiam commemorat, & alia multa ſcribit, unde apparet, verba iſta prorsus eſſe ſuſpecta & adulterina.

Sed nunc expoſitionē loci huius, tempus eſt, ut examinemus. Nam etiam ſi, ut haſtenus oſtendimus, locus ſit ſuſpectus, tamē admiſſus etiam, nihil adverſarios juvat. De ſcopo non eſt, quodd dicamus quippiā. Omnib: enim notum eſt, Iohannem cauſas aſſerre, quare credere debeamus, Jeſum eſſe Chriſtum. Per Verbum, Chriſtum intelligi non diſſitemur. Per ſpiritum S. intelligi tertiam perſonā Trinitatis, quod vult Ravensperg., tam diu falſum erit, donec probetur, ſpiritum S. eſſe perſonam. Credimus autem, intelligi per ſpiritum, non tantū miracula, ſed iſtas etiam divinas operationes, quæ, tum Chriſto in terris degente tum exaltato, in Apoſtoliſ & in aliis fidelibus apparuerunt. Sed quæ tandem unitas horum trium eſſe ſtatuitur? Teſtimonialis, ait Ravensp. & eſſentialis. De priori ſola ſermonem eſſe nos contendimus, qua in re non paucos habemus a partibus noſtris Theologos, ut ipſe etiam Ravensp. fatetur. At, ait, *ex unitate conſenſus unitas voluntatis, ex unitate voluntatis unitas eſſentiæ magis concluditur quàm negatur.* Hoc ſi verum ſit, jam non ex his verbis, ſed ex eo, quod illa ſignificant, unitas eſſentiæ in tribus perſonis colligetur. Sed falſum eſt, ex unitate voluntatis, concludi eſſentiæ, præſertim numero unius, unitatem. Si aliunde conſtaret, eſſentiæ unitatem in tribus perſonis dari, poſſet fortalſe, per quandam conjeſturam, hic locus etiam eò pertrahi: At non probata iſta eſſentiæ unitate in tribus perſonis, tacita eſt principii petitio, ab unitate voluntatis ad unitatem eſſentiæ argumentari.

Sed argumentum contra nos habet Ravensp. tale: *Hi tres teſtes aut ſunt tres perſonæ ſubſtantiæve, aut tria accidentia modivæ. Poſterius dici non poteſt. Ergo dicendum prius.* Reſpondeo maiorem eſſe falſam. Poſſunt enim hi tres teſtes, nec accidentia modivæ eſſe, nec tres perſonæ aut ſubſtantiæ, ſed poſſunt eſſe quidam perſonæ, ut Pater & verbum, tertius res. ut etiam teſtes ſunt, Aqua, ſanguis & ſpiritus. Deinde poſſunt eſſe teſtes quidam perſonæ: nec tamen perſonæ pares prorsus, & æquæ divinx, ut eſt Pater, & verbum. Iam verò ad ſententiam Ravenspergeri ſtabiliendam requiritur, tum ut ſint omnes tres perſonæ, tum ut perſonæ prorsus pares & æquæ divinx. Hoc non conſideraſſe Ravenspergerum miror. Nam, ac ſi Major eſſet iſtiſſima veritas, ita nullam ejus probationem aſſert, quā tamen vix aliquid falſius dici poteſt. Sed præterea inſulſa eſt ipſius altera illatio, quando ſic ait: *ſi tres iſti teſtes ſunt tres perſonæ, & tamen ſimul ſunt*

De ſenſu loci
3. Ioh: 5.

Argumentum
Ravensperg.

Reſponſio.

unum, sequitur, quòd vel unum sint consensu tantùm vel essentiâ solum, vel utraq; parte simul. Non solum essentiâ, quia etiam consensu, quod est in confesso: nec solum consensu, quia etiam essentiâ. Etenim si tres isti sunt tres essentiâ: tres sunt essentiæ, adeoq; Iehovæ. At Iehova Deus noster Iehova tantùm unus est. Deut: 6. Ergo tres illi etiam essentiâ unum sunt. Primùm enim major iterum falsa est. cùm plures dentur species unitatis, quàm consensus & essentiæ, nēpe potestatis, ut in explicatione loci Ioh. 10. ostensum est. Deinde altera pars minoris, quando dicitur: *Nec solū consensu, quia etiam essentiâ*, quid est aliud, quàm desperata principii petitio? Et tamen nos ista audire ex ore istorum Dictatorū oportet.

Deniq; objectiones Tritheitarum Ravensperg. adjicit triplices, petitas nimirum vel ex scripturis, vel ex Patribus, vel humanis ratiocinationibus. *Et ex scripturis quidem adducit, quòd ex quemlibet istorum trium Deum appellant: Patres pluralitatem Deorum approbare: Rationes deniq; & ratiocinationes humanas idem confirmare ait.* Equidem Tritheitarum errorem detestor. Falsissimum enim est, Scripturam Spiritum S Deum appellare: Filium verò, etiam si Deum appellet, nō tamen eodem prorsus modo appellat, quo Patrem. Hunc enim Deum naturâ & a seipso pronunciat: Christum verò talem, qui omnem divinitatem a Patre habeat: At refutationem tamen illorum, quam hīc instituit Ravensperg., non possum etiam non improbare. Primùm enim rationem rejicit, & eam ad mysterium de essentiæ unitate in personarum Trinitate esse vespertilionis ad solem oculum affirmat. Hoc verò cur non probavit Ravensperg.? Falsum enim esse vel hinc constat, quòd nihil sit in universa religione, quod rationi sit contrarium, licet multa sint, quæ eam superent. Præterea ex mente Tritheitarum non pro primario argumento id afferitur, sed primùm scripturæ, deinde Patres afferuntur, & deniq; ratio etiam subjicitur. Iam verò, si quid sit & scripturæ contrarium, & sententiæ Patrum & rationi deniq; ipsi, nā istud summè absurdum esse necesse est. Deniq; cur ipsemet Ravensp. suprà in exegesi thesi 5. fol. 9. argumenta ex ratione desumpta afferat ad probandum, Deum tantùm esse unum, si ratio nihil valet?

Deinde verò Ravensperg. ait: *In scripturis & apud Patres unum & Trinum non opponi privativè, quia de Deo utrumq; diverso respectu enuncietur. Vnum respectu essentiæ, Trinum respectu personarum.* Non esse autem rem absurdam aut impossibilem, Tria esse unum, & unum Trium, diversis respectibus. Vbi primùm fraus Ravensperg. de tegenda est, qui scripturæ cum Patribus ita copulet, ac si, ut scriptura errare nequit, sic etiam Patres errare nequeant: vel potius, ac si idem, quod Patres affirmant, affirmant etiam scripturæ, de Deo scilicet utrumq;

Ratio in religione quatenus valeat.

Lapsus Ravensperg: gravis.

Tria unum effen-
tia eſſe non poſ-
ſunt,

Cardinalis Hoſi-
us,
Vujekus Jeſuita.

Eadem ratio per-
ſonæ divinæ quæ
humanæ,

hoc prædicari. Quod ſanè in tanto viro vix eſt tolerabile. Novimus, Patres, præſertim eos, qui poſt Synodum Nicenam vixerunt, de Deo prædicare, quòd ſit Trinus & unus, diverſo reſpectu: Sed quàm gravi- ter ea in re errent, abundè a noſtris jam pridem demonſtratum eſt. Et ſanè dolendum iterum eſt, Ravenspergerum ſatis habuiſſe, affirmare, non eſſe rem abſurdam aut impoſſibilem, unum Tria & Tria unum eſſe, quod tamen, ſi quid aliud, probandum fuerat. Quamquam hîc i- terum dolus latet. Poſſunt enim Tria unum eſſe, ſed non Eſſentiâ. Hoc n: eſt contradictionis implicatio. Sed dixerint, quid voluerint, Patres, dummodo id ſcripturæ non dicant, ſatis id nobis eſt ad repellendos om- nes aduerſarios. Eas verò non dicere, quòd in una eſſentia divina ſint tres perſonæ, & ruruſus, quòd tres perſonæ ſint una eſſentia, quod Ravensperg. verbis ambiguis, unum eſſe Tria, & Tria unum, tegit & involvit, jam ita conſtat, ut quidam ex aduerſariis dicere coacti ſint: ſe credere Trinitatē, non quòd ſcriptura dicat, ſed quia non contradi- cat; & alius dixit: Trinitatis dogma ex ſolis ſacris literis probari ſine Eccleſiæ traditionib⁹ non poſſe. Imò D. Graverus etiâ, nuper in the- ſibus de Spiritu S. editis, confeſſus eſt, dogma hoc *πρωτῶς* ex ſacris literis probari non poſſe.

Deniq; ad carectaturpiter profugit Ravensperg., & dicit, *aliam eſſe rationem hominum finitorum, aliam Dei; & canonem hîc valere: Principia, quæ vera ſunt de natura finita, non ſunt transferenda ad na- turam Dei infinitam, alioquin falſa ſunt.* Iam igitur acquieſcendum eſt, & relinquendus Ravensperg., quia ſic controverſiam concludit. Do- ceat verò, aliam eſſe definitionem perſonæ apud Deum, aliam apud homines, & non ita perſonam divinam eſſe eſſentiam individuum in- telligentem, ut eſt humana. (Hac enim definitione admiſſa, neceſſe eſt multiplicatis perſonis, multiplicari eſſentiam.) Hoc verò quia impoſ- ſibile eſt præſtare Ravenspergero, unam in Deo ut eſſentiam, ſic eti- am unam tantùm perſonam agnoſcat, & proinde unum Deum, quem ſcripturæ Patrem eſſe affirmant, unâ nobiſcum colat & reveretur: Chriſtum verò pro eo, quem Deus ille unus Dominum noſtrum u- num effecit, ad ſummam Dei Patris gloriam & noſtram conſolatio- nem, conſiteatur.

HA CTENUS sectione prima de essentia divina Vnitate se egisse ait Ravensperg, qua perspicuitate, consideret Lector: Nunc ad probandam personarum Trinitatem, sectione posteriori transit. Videamus, quo successu, Prima thesi vocem Trinitatis jure usurpari docet. Hoc quidem nos non valde impugnamus: Negamus autem ad hoc obtinendum requiri, quod asserere videtur Ravenspergerus, ista tria, quæ Trinitatis nomine appellantur, esse personas. Satis enim est, esse sive personas sive res. Deinde vocem *ὑποστάσις* Heb: 1. 3. personam significare, quia nulla ratione comprobatur Ravensperg; incertum & prorsus falsum censendum statuimus. Vox denique *ὁμοῦσιος* pro barbara prorsus reputanda est, nisi probetur, essentiam Dei cū aliquo communicari posse, quod, stante numerica illius unitate, *ὁμοῦσιος* prorsus est. Rem autem, *ὁμοῦσιος* scilicet, haberi Ioh: 10. & 1. Ioh: 5. quàm verum sit, ea, quæ in hac responsione dicta sunt, & in altera ad *Vñū parsophisma*, &c. docere satis superq; possunt.

Theſi 2. mysterii Trinitatis personarum in essentia divinitate probandam sumit, Necessitatem, Veritatem, Majestatem. Sed primum parum rectè distinctionem illam adhibet. Nam si necessitas istius doctrinæ, eaque ad salutem spectans, ut postea, semetipsum explicans, addit Ravensperg; quid opus est de veritate ejus differere? Quasi, quod ad salutem necessarium est, non sit etiam necessarium verum. Salte veritatem necessitati anteposuisse, & tolerabile hoc esset. Sunt enim multa vera, quæ non sunt necessaria: at nihil necessarium est, quod idem non sit verissimum. Deinde nescio, quo fine ordinem horum membrorum postea Ravensperg; immutavit. Prius enim de Majestate, quàm de Veritate differit, cū hanc prius quàm illam proposuerit. Quæ in alio ferenda essent, at in Doctore maximè. Porro antequàm istam necessitatem probet, frustra id allegat, quod nos fateamur, errorē circapersonas in unitate essentia divine per se nō damnare. Potest enim damnare per accidens, quod per se non damnat. Ignorantia veritatis in multis extra salutis jacturam datur: at cōtemtus veritatis, in minimis etiam, semper exitialis est: Præterea errare in quibusdam, licet arduis, non damnat quidem: sed eos, qui diversum sentiunt in rebus, quæ ad salutem præcisè non pertinent, hoc est, quæ in sacris literis *ἐκ τῶς* expressa non extant. (hæc enim sola sunt ad salutem simpliciter necessaria,) damnare, hoc ipsum damnationis causa facillimè esse potest. Quod quia timidè facit Ravensperg; valdè probamus: Rogamus autem, ut, quia expressè id in sacris literis expressum non extat, cuj⁹ causā nos damnat, ulterius rem perpendat, & neminē eo nomine,

Ad Trinitatem
non requirantur
tres personæ.

Lapsus aliquos
Ravensperg.

Quatenus damnet
dogma Trinitatis.

quod tres in divinitate personas non credat, dummodo confiteatur Deum Patrem, Filium & Spiritum sanctum, condemnare vel contemnere audeat.

Deinceps assertionem nostram damnabilem esse, & veram salutis æternæ viam prorsus obscurare & impedire, probare aggreditur, hoc modo: *Qui negat Iesum esse Christum, mendax est, & Antichristus, negans Patrem & Filium. Atqui Sociniani (sic nos ex animi impotentia appellat) negat Iesum esse Christum. Ergo. &c.* Majorem concedimus. Nam Iohannis Apostoli est. Explicationem autem ejus, quid sit Negare Iesum esse Christum, quam affert Ravensperg., quod mendax sit, nempe talis, de quo Iohannes loquitur, is, qui falsum de Iesu sentiat, puerilem & falsam esse contendimus. Potest enim aliquis falsissimum aliquid de Iesu sentire, nec tamen negare, eum esse Christum. Ideoque & illud falsum est, quod porro addit, *Mendacium igitur est, negatio veritatis de Iesu.* Nam & aliud est, Negatio veritatis, & aliud ignorantia ejus: & iterum aliud est, mendacium simplex, quod error dici potest, & aliud mendacium illud crassum, de quo Iohannes loquitur. His observatis, quæ per se facillima sunt, jam argumentum corruit, quod non Iohannis autoritate, sed Raven: explicatione nititur. Sed videamus probationem Minoris. Vbi iterum suas tantum promittit adversus nos glossas Ravenspergerus. Sed nec suo loco id facit, nec temeritate, quod dicit, caret. Non suo loco id facit. Nam semel explicasse, quid sit Christum negare, satis erat. Aut igitur hinc in minore id faciendum erat: aut absolvendum in majoris explicatione. Temeritate, quod dicit, non carere, hinc constat, quod ait, eum negare Iesum esse Christum, *qui contra scripturas vel de persona vel de officio Christi malitiose statuat. Quis enim hominum scire potest, num aliquis malitiose aliquid statuat de aliqua re?* Sic scilicet conscientias etiam petunt, qui, quomodo errores suos probent, non reperiunt. In eodem luto hærens, dividit deinde negationem Christi in universalem & particularem, & hanc esse ait, *cum quis ipsum fundamentum, hoc est officium vel personam Christi sophisticè impugnat, Christum suo honore spoliatur, Christianos solido solatio privat.* Sed hæc omnia vel ineptè vel sophisticè dicuntur a Ravensperg.: Verum est quidem, eum negare Christum, qui ipsum fundamentum impugnat; verum est etiam, eum impugnare ipsum fundamentum, qui officium Christi impugnat: Falsum autem est prorsus, eum impugnare fundamentum, qui impugnat Christi personam. Nam si quis neget Christum Deum esse naturam, quod falsum est, si quis hominem naturam, quod verissimum est, tamen fundamentum ipsum non impugnat. Fundamentum enim (ut hoc semel dicamus)

1. Ioh. 1. 22, 23.

Error Ravensp.,

Lapsus & errores Ravensp.

Quid sit fundamentum impu-
gnare.

dicamus) est, credere Iesum esse Christum, nostrum Regem & Servatorem, promissis illius fidem habere, & præceptis illius obtemperare. Qui hoc credit, licet absurdum nescio quale de Christi persona sentiat, cum quidem graviter errare non dubitamus, fundamentum autem, nempe religionis, ab eo impugnari, non nisi inscitè dicitur. Adde, quòd, si is negat fundamentum, adeoque Iesum esse Christum, qui sophisticè Christi personam impugnat, jam tanti sceleris reus erit cum omnibus suis Ravensperg. Il enim, quantumvis scriptura testetur creberrimè, Iesum esse hominem; & hominis titulum nemo tueri possit, nisi idem persona sit humana: tamen contra sacras literas & contra sanam rationem, negant, Christum esse personam humanam, quod ipse etiam Ravensperg: in suo, quem vocat, Christianismo confitetur. An verò hoc non sit sophisticum aliquid, ex voce Deus, quæ munus significare potest & solet, personam divinam elicere: & deinde, ne, quia Christus dicitur homo, duæ sint in illo personæ, dicere, illum quidem hominem esse, personam autem humanam non esse, sed hominem illum, (scilicet) subsistere in persona divina, iudicet æquus lector. Citiùs enim persuaseris homini sensato, diem esse noctem, quàm hominem esse, qui non sit persona humana. & tamen hoc sentiunt omnes adversarii. Quo errore observato, totum de Christi persona commentum, quod illi sequuntur, corrui. Nam si Christus, quia homo est, persona humana est: jam divina persona esse nulla ratione potest. Essent enim duæ in Christo personæ, quod non tantùm absurdum est, sed etiam contradictionem implicat.

Iam si quis dicat, Christum etiam Deum esse, respondemus, Quia vox hominis non potest sine persona cuiquam tribui, necessarium esse, vocem Dei Christo tributam, non personam sed munus & dignitatem significare. Nullum enim datur tertium, vocis Dei, præter naturæ (ut sic nunc loquar) vel personæ & muneris significatum.

Præterea aliud est Christi officium impugnare: & opinionem aliorum de officio Christi impugnare, vel cum aliis in sententia de officio Christi non convenire. Officium Christi is impugnat, qui negat Iesum nos servare posse aut velle, & certò servaturum, hoc est, a morte æterna liberaturum & donaturum vitæ æternæ: At is, qui negat, Iesum nos hoc vel illo modo servare vel servaturum, is non officium impugnat, sed vel circa officii modum errat ipse, vel ab aliis circa illum modum dissentit. Error verò hic, dummodò id firmum maneat, Christum nos servare posse & velle, & tandem servaturum re ipsa, nemini salutem per se adimere potest.

Christum suo honore spoliare, verè est, cum negare. Sed non o-

Ravensp: Christi personam sophisticè impugnat,

Christus est naturæ homo, Deus dignitate,

Quid sit Christi officium impugnare.

Quid ſit, Chriſtū
honore ſpoliare.

mnis honor, qui Chriſto tribuitur, quantumvis ſpecioſus, Chriſti honor eſt : & non, qui honorem non talem Chriſto tribuit, quale alii, Chriſtum ſuo honore ſpoliat, ſed, qui eum illi non tribuit, quo ad merito, Chriſtus eſſe nequit. Hac ratione olim Pontificii Evangelicis obſtabant, quòd Sanctos & Virginem Mariam, honore ſuo ſpoliarent: nec tamen id quicquam curârunt noſtri majores, perſuaſum habentes, ſe falſò tributum ſanctis honorem, tantum illis ademſſe, relicto vero, qui illis debetur, honore, quatenus memoriam eorum beatam & ſanctam habent. Illud deniq; nescio quid ſapit, quòd dicitur, eum negare Chriſtum, qui Chriſtianos ſolido ſolatio privat. Hac ratione Pontificii etiam de vobis conqueri poſſent, qui Indulgentias Pontificis Romani rejeciſtis. Has enim pro ſolatio ſolido habent omnes Pontificii; & ſi veræ ſint, certè nullum eis ſolidius eſſe poſteſt. Quod igitur Pontificis talia obſcientibus reſpondere ſolet Ravensperg., hoc etiam nos, ipſi talia dicenti, regerere poſſe, tacitè ſecum cogitet.

His ita expeditis Ravensperg., quæ, quam ſint fallacia & captioſa, puto jam conſtare, nos officium Chriſti impugnare, ait, dum Satisfactionem Chriſti pro nobis præſtitam pertinaciter & contra clariffima ſcripturæ teſtimonia abnegamus. Sed *pertinaciter* nos id abnegare, quomodo is dicere poſteſt, qui corda noſtra non novit? cùm ſæpe numero pertinax is eſſe videatur, qui conſtans eſt. Iam ſi is pertinax eſt, qui non patitur ſe a ſua ſententia avocari, pertinaces ſunt omnes Evangelici, quos nec Pontificii nec nos a quibuſdam erroribus ulla ratione avocare poſſumus. Deinde falſum eſt, teſtimonia ſcripturæ ulla, nedum clariffima extare, de ſatisfactione Chriſti pro nobis præſtita. Nulla extare, libri noſtri ea de re editi docent, in quibus, nullâ juſtâ cōſequentiâ elici dogma illud ex ſacris literis poſſe, perſpicue demonſtratur. Clariffima non extare, id argumento eſt, quòd ad literam, ut ajunt, nuſquam doctrina illa deſcripta extet. Quæ verò per conſequentias deducuntur, ea clariffima eſſe dici nequeunt, & proinde nec ad ſalutem neceſſaria. Nihil enim ad ſalutem neceſſarium eſt, quod non ſit non tantum clariffimum, ſed etiam iſdem verbis expreſſum in ſacris literis. aliàs illis, qui conſequentias non capiunt, quorum major ſemper fuit in Chriſti Eccleſia numerus, malè proſpectum, imò actum de illorum ſalute prorſus eſſet. Deniq;, etiamſi clariffima extarent ejus rei teſtimonia in ſacris literis, dici tamen non poſſet, illum, qui ea negat, negare, Ieſum eſſe Chriſtum, & fundamentum impugnare. Non enim, ut, quæ neceſſaria ſunt ad ſalutem ſimpliciter, clariffima eſſe neceſſe eſt, ſic viciffim, quæ clariffima ſunt, omnia ad ſalutem ſunt neceſſaria. Clariffima ſunt multa: neceſſaria ad ſalutem ſimpliciter, pauca,

Pertinaciam nemo facile judicare poſteſt.

De ſatisfactione Chriſti nulla nedum clara teſtimonia extant.

Non omnia quæ clariffima neceſſaria.

opponere conatur. Hoc nunc monebo: Ravensperg: nimis ineptire, dum dicit, posse nos quidem baptizari in verbo, seu per verbum gratiæ, additis etiam vocabulis Germanicis. cùm non de baptismo in verbo, seu per verbum gratiæ, sed de commendatione tantùm verbo gratiæ Dei, loquatur Apostolus, Act: 20. Quæ deinde scribit de loco 1. Cor: 8. 6. quòd verba Pauli non exclusivè hîc, quoad Filium & Spiritum sanctum intelligenda sint, sed inclusivè: vocabulum Dei & Patris non *ὁ πῶς αὐτῶν* sed *ὁ θεὸς αὐτῶν* hîc accipi: quæ denique de loco Ephes: 4. 6. differit, refutata sunt in responsione nostra, ad Vnum par sophismatum, in quo eadem dicit Ravensperg.

Inertia Ravensperg.

Quæ affirmat thesis 9, nempe Patrem, Filium & Spiritum sanctum, esse cõsẽntiales & omnimodò proprietatibus essentialibus æquales, non est, quòd refutemus. Negatis enim personis istis, quomodo aliquid de illis jure prædicari potest?


Thesis etiam 10, quâ Patrem, Filium & Spiritum sanctum, ita inter se distinctos realiter esse, ait, ut unus non sit alius, quia falso nritur fundamento, nulla refutatione indiget. Distinctus quidem est filius a Patre realiter. Pater enim Deus naturâ est: Christus naturâ homo, munere autem Deus. Spiritus verò sanctus, siquidem in Deo ita est, ut in homine spiritus illius est, quomodo ita distinctus esse potest, ut sit persona, a Deo, cujus est spiritus, diversa? Sed hac de re nuper scripsimus plura in refutatione Disputationis D. Grayeri


de Spiritu sancto.





9134
—
2





19569

9534

2

